

Akasengeja K'omuntu Alowooza

Jeffersonville, Indiana USA

Agusito 22,1965

1 Webale, ow'Oluganda Mann. Nkulabye oleesse ow'oluganda. Mukamaakuwe omukisa. "Ebintu byonna bisoboka, kkiriza bukkiriza." Leka tusabe.

Oo, Katonda, mu mazima okwo kwe kuyaayaana kw'emitima gyaffe olwa leero, okukkiriza obukkiriza kyokka. Nga bwe tukunjaanye wano olwa leero mu kkuinjaaniro, enjuba nga egwa ebugwanjuba, Katonda omwagalwa tusaba, nti Ojja kutuleka tutegeere nga bwe kiri nti enjuba nayo egudde kumpi ennyo okusinziira ku biseera; eri mu kuggwaayo. Era tujukira olumu obudde bwe bwaali nga buyise nnyo, abatambuzze babiri baakwegayirira Ojje era osule nabo. Era awo ne weemanyisa gyebali ng'oyita mu kunnyonnyola Ekigambo Kyo era n'okubaleetera okulaba nti Kristo, kyamugwanira okusooka okubonaabona ebintu binno byonna.

N'olwekyo tusaba, Katonda, ng'olunaku bwe Iwagenze edda, nti Ojje mu mayumba gaffe obeere naffa, era otunnyonnyole Ekigambo, Mukama, ffe kye tutwaala nga eky'omuwendo nnyo okuva gy'Oli, ng'ekirabo mu mutima gyaffe. Leka tuleme okukirinnyiriranga yadde; era leka tukiwenga bulijjo ekitiibwa n'emitima gyaffe gyonna.

Tukwebaza olw'ekyo kye wakoledde abo abali mu ddwaaliro amakya ga leero, era ne kyewakoledde mutabani w'ow'Oluganda Capps eyabadde agalamidde, kumpi ng'agenda kufa, naye kaakati ali wano mu kibiina ekiryo kya leero. Nga tukwebaza, Taata, olw'ebintu bino byonna.

Bituwe, Mukama, nti awo tusobole okumanya engeri gye tuteekeddwa okukuwaamu Gwe amatendo. Ffe tuli...kisukkuluma okutegeera kwaffe okumanya engeri y'okukuwaamu amatendo. Naye, Mukama, yaniriza emitima gyaffe ng'obubonero obw'okwebaza, nti tukwagala. Era bwe tuba nga twagala okukola ekituufu, tulage eky'okukola. Tusaba mu Linnya lya Yesu Kristo. Amiina.

Musobola okutuula.

2 Musiibye mutya ekkanisa eno ejjudde ennyo bw'eti olwa leero era n'ebweru eyo okwetooloola mu ggwanga abali ku masimu. Bagamba nti bateze nate olwa leero.

Nsuubira mukyala wange awuliriza. Ssaasobodde kumukubira, naye nja kumukubira ng'okusaba kuno kuwedde.

Era tulina akapapula wano amakya ga leero nti muganda w'ow'oluganda Jackson...oba kitaawe olw'okubeera mu mbeera bw'etyo, nti waliwo enkyuukakyuuka bw'etyo egenda mu maaso, ayinza okukomawo ewaka olunaku lw'enkyo.

Ow'oluganda Capps yankubidde ekiryo kya luli, olwa katabani ke akato, simanyi ova ow'Oluganda Capps mwali mu kibiina ova taliwo, naye, katabani ke kaabadde kalwadde nnyo.

Era kibaddewo nga Joseph nange twakkiridde eyo wansi gye bakubira ssabbaawa, nga nteekateeka emmundu yange entono ey'ekika ky'abiri mu bbiri. Nnabibagambyeko wiiki ewedde. Era agenda kubeera muteebi mulungi. Era n'olwekyo yabadde ayagala kubeera mukakafu era abuulireko Gary ne Larry ekiryo kyeyakoze. Era n'anjamba, nga tukomawo... ne njamba nti, oteekeddwa okuyimiriramu kko era-era okibuulireko ow'Oluganda Gene Norman."

N'agamba nti, "Yimirira nsooke mbuuulireko Billy," muganda we.

Ng'amaze okumulaga amasasi amalungi ge yakubye, n'agamba nti, "Kaakati vva ku bigere byange." Okiraba?

3 Era twabaddde twakatuukayo, Iwaki, essimu n'evuga, era Billy n'aduka okubuuza... n'agamba nti, "Eyinza okuba nga ssimu yamulwadde kaakati." Era ne tuyingira, era yabadde waluganda Capps. Nga mutabani we omuto alina obulwadde bwomu lubuto, era yali asigazzaayo akaseera katono nnyo okubeera omulamu. Era Mukama amuwonyezza. N'ekiryo kya luli yagamba nti yali alina obulumi obulala, Mukyala. Wood yali ambuulira. Kyokka ate twaali tugenda mu bwangu, naye ne mmala... Nnagamba nti, "Mukyala Wood, buyise nnyo kaakati, ssaawa nnya, mbuuusabuusa ova nga banaanzikiriza okuyingira mu ddwaaliro nti, Ne njamba nti, "Nnjenda kuddayo ewaka era zigalawo buggazi oluggi." Era ne nnyambuka waggulu ne nsaba. Era bagambye nti omulenzi omuto ali mu kibiina olwa leero. N'olwekyo twebaza nnyo ku lw'ekyo. Era tuli basanyufu.

Kaakati tukya lindiridde, tetunnaba kuwlira nate; ova ow'Oluganda Leo Mercier ne mwannyinaffe Mercier bawuliriiza. Tetunnaba kuwlira kuva eri Taata wo. Tusuubira okuwulira mu kaseera akatono, ova ali atya. Naye kumpi ndi mukakafu ddala nti ajja kubeera bulungi, n'olwekyo ekiryo tukyesiga eri Katonda Omuyinza w'ebintu byonna, nti Katonda oyo ajja kufaayo eri omwagalwa oyo, omusajja nnamukadde omutukuvu, omubuulizi w'Enjiri omukadde eya wummula.

4 Kaakati, Oh, waliwo ebintu bingi nnyo ebyetaagibwa okukolebwa, era okubikola mu kiseera ekitono bwe kiti, n'olwekyo kaakati tuteekemu amaanyi gaffe gonna mu ekkyo kye tusobola okukolera Mukama waffe.

Nnazze obudde bukyalimu kko. Era mba-mbadde siwlira bulungi nnyo. Nnakooye, nnakooye nnyo, era nnagalamiddeko ettuntu lya leero. Ssaalidde na kulya kyaggulo. Naye nnazzeeyo munda, ne ngalamira ettuntu lyonna. Nnabadde mpulira bubi, kaakati awo ne ngalamira awo. Era ne ntandika okusaba, awo ne mpulirako obulungi. Era ne ngolokoka, ne nnyambala engoye zange, awo ne nzija ku kkanisa.

N'olwekyo tu-twesiga Mukama Yesu kaakati nti amaanyi gaffe fenna Ajja kugawa omukisa olwa leero, nga n'okwetooloola eggwanga lyonna bwe tugeezaako okwegatta ku kitundu ky'omubiri gwa Kristo guno, nti mpeereddwa olukusa okuliisa endiga Ze. Era nsobola okukola ekkyo ekisinga mu kumanya kwange, nga ngaba Emmere entuufu eyo gye mmmanyi ey'endiga.

Era nnindiridde n'amaddu mangi essaawa awo fenna lwe tunaakunjaana mu kifo kimu era tubuulire ku Bibonyoobonyo Omusanvu, n'Ebibya Omusanvu, n'Amakondeere, era n'ebirala byonna. Byonna bituukawo omulundi gumu. Eyo y'ensonga Iwaki kijja kututwalira okumala nga wiki, oba ennaku kkumi oba n'okusingawo, okubimaliriza mu lukunjjaana lumu, bwe tuba tusobola. Ndowooza ekkyo kimala.

5 Kaakati, bangi ku mmwe mugenda wala. Bwe ntunula wano, nnaakeetegereza, akaseera akayiseewo emabega, ab'emikwano abo mu Tucson. Mukyla. Sothmann, ndaba ow'oluganda Fred naye yatuuse bulungi. Nnamulabye mu kibiina amakya ga leero. Era awo ndowooza oyo ye w'Oluganda Don Ruddell amutudde okumpi emabega awo, ekiro kya leero. Ndi musanyufu okulaba ow'Oluganda Don munda. Ne Junior, Junior waali wano, oba ali ku kkanisa ye? Nteebereza bali ku masimu ku kkanisa ekiro kya leero.

N'olwekyo, mwenna ab'oluganda, tuli basanyufu nnyo nti muli wano naffe olwa leero, era nga nneesiga Mukama nti olunaku lumu ffe, ng'olunaku lw'obulamu luwedde era n'ekitangala kyaffe ekitono eky'obulamu obuggwaawo kitandike okuziimeera era n'okuzikira, tetujja kutya bubi bwonna, kubanga okuyita mu...

6 Nnina lipooti gye muli, waggulu mu-waggulu ku...mu Arizona, eyo mu Prescott. Ow'oluganda Coggins asiibuddwa okuva mu ddwaaliro. N'olwekyo twebaza nnyo olw'ekyo. Kirungi. Ekyo kirungi. N'olwekyo tuli basanyufu nnyo kulw'ekyo. Mwannyinaffe Mercier, Taata wo naye kaakati ali mu ku tereera. Nkiwulidde buwulizi, bwe tumaze okusaba, nti ajja kubbeera bulungi. N'olwekyo bayinza okuba bataddeko; nga bali mukuwuliriza leka nsuubire nti bataddeko; era ndowooza kwebali. N'olwekyo tuli basanyufu nnyo ku lw'ekyo, nti muganda waffe ali-ali bulungi kaakati, era agenda kutereera. N'olwekyo twebaza Katonda olwa bino byonna.

Nnabadde n'ekyokusabira ekiro ekyayise, ow'oluganda omwagalwa wano, nteebereza ayinza okuba nga tali naffe olwa leero. Ow'oluganda okuva eyo wansi mu Kentucky, yankubidde ku nsongwa ekwata ku muwala we. Famire ennungi, era omuwala agenga ku longoosebwa, maama omuto alina Kookolo mu mugongo. N'olwekyo tu-tusaba nti Katonda ajja kununula omuwala omuto ono. Nzirkiriza nti Ajja kumuwonya, singa ffe tu...

Ekiabiina, fenna wamu, twegatte tusabire abantu bano, fenna wamu. Ekyo kyeturina okukola, ng'abali awamu. Nga...

7 Era ennaku nga bwe zeeyongera okusembera okumpi ennyo, era n'okufunda kw'ekkubo, twagala tugende nga tuli kumpi fenna wamu. Abange, tuli okubeera kimu, omubiri gumu. Tulina kutambulira wamu, nga twerabira ebibi bya bannaffe era n'enjawukana zaffe, nga tuli tusembera kumpi, era kumpi era kumpi, nga bwe tulaba Olunaku olwo nga lusembera. Nga tukunjaaanira fenna wamu, fenna mu mwoyo omu era n'omutima gumu. Era singa ow'oluganda, oba mwannyinaze ava mu kkubo, mu ngeri yonna, tobaako ky'okola wabula sabira omuntu oyo, ate mu mukwano, buli kiseera nga tufa kubannaffe. To-tolekanga omu ku mmwe okugenda. Musigale wamu. Era, bw'oba osobola, yongerako abalala, buli kaseera, ekiseera kyonna.

8 Ow'oluganda Neville, funye okusaba kwo wano ku kikwata ku w'oluganda Wright, ow'oluganda George Wright atudde wano. Tuli basanyufu ow'oluganda Wright ne mwannyinaffe Wright, wano....Edith, nze... Olunaku lumu lwe tulijja, twagala tubeeyo n'okusaba okw'okujukira wano. Ssaakomawo eri Edith era ne bwe yagenda. Naye, mwannyinaffe Wright, mujjukira ekirooto kye yafuna emyaka si mingi egiyiseewo. Era ne mbagamba mu biseera ebyo, Nnagamba nti, "Bambi Edith ono tagenda kubeera naffe bbanga ddene kaakati," kubanga Mukama yali amaze okwogera nti yali agenda, okuyita mu kirooto ekkyo kye yafuna. Nnafuna okuvvuunulwa kwakyo, kwali, nti yali agenda kusisinkana Katonda. Oluvannyuma lw'emyaka ebiri, yagenda okusisinkana Katonda. kaakati alinze taata ne Maama we basale olusaze olwawula, wakati w'obulamu obuggwaawo n'obulamu obutaggwaawo.

Katonda abawe omukisa. Njagala ngezeeko okubalaba buteree, nga nnakamaliriza, singa nnaaba

nsobodde. N'olwekyo Katonda abeere nammwe ne Shelby, era na buli omu. Nnalowoozezza nti nnalabye Shelby amakya ga leero; naye ssaabadde mukakafu.

Tosobola kulaba bulungi waggulu eno; engalama eri wansi kirimu bwe kiti, era ekuba e-ekitangaala bw'etyo. Osobola okulaba ebifo naye ng'abantu tosobola kubalaba bulungi.

9 Kaakati butereevu mu Bubaka. Buno bwe Bubaka bwe njagala okusoma okuva mu Kubala 19:9, ne Abaefeeso 5:26. Era mmwe abantu abakuumma bye tusomyeeko, era n'ebirala, Iwaki, musobola okukiwandiika.

Era kaakati mujukire, bwe kiba nga kino kikwatiddwa ku lutambi...Simanyi. Siraba muntu yenna. Yee, bwe kiri, ndaba ow'oluganda Terry eri mu-mu kisenge mwebakwatira amaloboozi. Era oba nga kino bakiteeka ku butambi; eri omuweereza yenna mu kifo kyonna, essaawa yonna, kino tekigenderera kunyooma njigirizaayo, kino era tekigenda eri ndiga zo. Obubaka buno, era n'Obubaka obulala bwonna bwe njogerako, bwa kibiina kyange. Si bwa kibiina kyo okuggyako nga baagala okubusembeza. Naye bwa bantu abali wano.

Abantu bagula obutambi buno. Abantu okwetooloola ensi babugula era ne babuzannya. emirundi mingi bampandiikira. Era buli kiseera mbajuliza, bwe babeera nga ba mmemba b'ekkanisa emu, "Laba omusumba wo."

10 Kaakati, omusumba, njagala okitegeere nti, nti, ebintu bino bye njogera bya kibiina kyange kyokka. Era nnina olukusa okukikola ekyo, kubanga nnatumibwa Omwoyo Omutukuvu okulabirira endiga zino. Era zinsaanze bwe sizibuulira kiki kyendowooza nti ge Mazima, era ne mu ngeri gye gajja mu. Naye si kya nsi oba amakanisa agasigadde. Ggwe kola kyonna Katonda ky'akugamba okukola. Sisobola kukwanukulira, naawe tosobola kunnyanukulira. Naye ffenna tutekeddwa okwanukula mu maaso ga Katonda, olw'obuweereza bwaffe. N'olwekyo, nze nnina okwanukula olw'obuweereza bwange, nnina okukibuuilira mu ngeri gye nkirabamu, mu ngeri gye kimbikkuliddwamu. Bwe kityo leka kimanyibwe ekyo kaakati.

11 Kaakati mu kubala 19:9, twagala okusoma ekitundu kino, oba ekyawandiikibwa kino, manyanga.

N'omuntu omulongoofu anaayoolanga evvu ly'ente, n'alitereka ebweru w'olusiisira mu kifo ekirongoofu, era linaakuumirwanga ekibiina...(tunula kaakati). ky'abaana ba Isiraeri okuba amazzi ag'okwawula: ekyo kye kiweebwaayo olw'ekibi.

Kaakano, si eri buli omu, "eri ekibiina kya baana ba Isiraeri; amazzi ago kwawula."

Kaakati mu Abaefeeso, essuula eyo 5, era n'okutandiikira ku lunyiriri olwa 22.

Abakazi, muwulirenga babbammwe, nga bwe muwulira Mukama waffe.

Kubanga omusaja gwe mutwe gwa Mukazi we, era nga Kristo bw'ali omutwe gw'ekkanisa, bw'ali omulokozi ow'omubiri ye yennyini.

Naye ng'ekkanisa bw'ewulira Kristo, n'abakazi bwe batyo bawulirenga babbaabwe mu buli kigambo.

Abasajja, mwagalenga bakazi bammwe, era nga Kristo bwe yayagala ekkanisa, ne yeewaaayo ku lwayo;

Kaakati wano we wali kyenjagala okwogera kaakano.

Alyoke agitukuze ng'amaze okugirongoosa n'okuginaaza mu kigambo,

12 Kale nno, ekitundu kino ekitono olwa leero, bwemba nsobola okuiyita ekitundu. Era nneesiga nti abantu wano, era n'abo abali eyo ku masimu, tebajja kutwala bubi kino era balwooze nti kitegeezessa mu ngeri ey'okuvvoola. Newankubadde, okutwala ekyokuyiga nga kino, kiba kiwulikikanga ekivvoola. Eky'okuyigako kye njenda okukozesa olwa leero: *Akasengejja K'omusajja Alowooza*. Ekyo kiwulikikanga ekyo bukambwe ennyo okubeera omutwe ogw'okuyigako, eri omuwereesa akyaawa ennyo okufuuwa taaba, ayinza okutwala ekyokuyigako ng'ekyo, *Akasengejja K'omusajja Alowooza*. Kyaliwo ku makya gaaluli bwe nnali nga njenze okuyingga bu kaamuje.

Bantu mmwe abali wabweru eyo ku leediyo, ku mpeewo, oba ku mayeengo g'essimu, singa mulabye enfaanana eri mu bwenyi bw'abantu mu kibiina wano bwe nnangiridde omutwe ogw'okuyigako, kyandibasesezza. *Akasengejja K'omusajja alowooza*.

13 Kale nno, kyonna kyatuukawo eyo ba Malayika ba Mukama bwe bandabikira olumu ku makya, era awo bu kaamuje ne butondebwawo okuva mu kwogera ekigambo. Mmwe mwenna mujukira lwe kyabeererawo. Era, nate, eyo waggulu w'akasozi gye nnali nnyimiridde, eyo ye wali... awo nga sinnabuulira Mirembe gy'Amakanisa Omusanvu, nga njenze okuyingga olumu kumakya ng'obudde tebunakya. Awo waali wayimiridde...nnalowooza enjuba yali evaayo, ssaawa nga kkumi ez'okumakya. Sikyabolijo; nnalaba Ekitangaala ekyo, era ne nkyuuka okwetooloola, era nga awo wayimiriddewo Ebikondo by'Ettabaaza

Omusanvu ebya Zzaabu nga biyimiridde awo ku ntikko y'akasozi, nga ziriko ekiringa Musoke ng'afuluma okuyita mu mpiira nga zigabirira wabweeru.

Mbagirawo oluvanyuma Iw'ekyo, Mukama Yesu n'atulabikira. Era awo w'enneyini n'empulira eddoboozi erya gamba nti, "Yakuwa ow'Endagaano Enkadde ye Yesu ow'Empya." Era ng'Ali awo, nga wayise akaseera, n'Abikkulibwa oluvannyuma Iw'ebyo Ebikondo by'Ettabaaza Omusanvu ebya Zzaabu. Olwo nno ekkyo kyeetegereze ekkyo. Bameka abajjukira ekky'okuyigako ekkyo? Nnakiwandiika emabega w'ekibokisi ekibeeramu amasasi kye nnalina mu nsawo yange. "Yakuwa ow'Endagaano Enkadde ye Yesu ow'Empya." Katonda mu Ggulu amanyi nti ekkyo kyaali kituufu.

14 Bwe nnadamu okuyita mu kifo ekkyo awo we yali andabikidde nga wayiseewo kko akabanga, ku bikwata ku zi kaamuje.

Kaakati awo bwe nnakubira mukwano gwange omulungi, Jack Moore, nga wayiseewo emyezi, okubuuza; ddi bwe nnatandika okubuulira Emirembe gy'Amakanisa Omusanvu, Okubikulirwa 1. Era Yali ayimiridde, nga yenna mweeru; enviiri Ze zaali ng'ebeyoya by'endiga. Ayinza Atya, ng'akyali wa myaka asatu mu esatu eg'yobukulu, n'abeera nga mweeru yenna? Era ow'Oluganda Moore, omusajja omugezi ennyo, Omukristaayo, omulungi era omuyivu, omu kw'abo abasinga be mmanyiko; era n'agamba nti, ow'Oluganda Branham, oyo yali Yesu oluvanyuma Iw'embeera ey'okugulumiziba. Bw'atyo bw'afaanana kaakati." Naye ekkyo nze tekyampulikirkira bulungi. Era ne sigala nga nsaba okutuusa olunaku lumu...

Nga sinnatandika Emirembe gy'Amakanisa Omusanvu, ssaasobola kufuna eyo essuula esooka nga erambuluddwa bulungi. Omuntu ow'emyaka asatu mu esatu, ayinza atya, okuzuukiririra mu mubiri gwe gumu ogwo abatume mwe baamwekkanyaiza, ne ba mumanya ; era ayinza atya okubeera waggulu ennyo, oba oli awo wa kinaana oba emyaka kyenda eg'yobukulu, n'ebeyoya ebingi ebyeeru mu bwenyi Bwe, era n'ekirevu Kye nga kyeeru ng'omuzira?

15 Nnali nsomyeko eyo mu kitabo kya...ekya Danyeri, awo bwe yajja eri "oyo ow'Edda n'Edda, enviiri Ze zaali njeru ng'ebeyoya by'endiga." Kaakati awo ne ndaba oyo ow'Edda n'Edda. Ye yali oyo ow'Edda n'Edda, y'omu jjo, leero era n'emirembe gyonna. Okiraba, olwo kaali kabenoro.

Lwaki ebyeyoya ebyeeru? Ate era nze...Kyalabika ng'Omwoyo Omutukuvu eyali ayogera nange ku bikwata ku kifaananyi kye nnalaba omulundi ogumu, ekky'omulamuzi ow'edda. Awo nno ne njenda mu byafaayo; ne nzirayo mu byafaayo bya Baibuli ne byonna, okuzuula. Era n'abalamuzi abakadde, nga kabona asinga obukulu mu Isiraeri, yali alina okubeera n'ekkyo ekirevu ek'yevi, ekkyeeru, ekiringa ebyoya kubanga ekkyeeru ku ye ky'alaga nti yalina obuyinza obusukkulumu obw'abalamuzi mu Isiraeri.

Era n'olwa leero, era n'okuyita mu myaka nga kikumi emitono egiyise, oba oli awo emyaka nga kikumi n'omusobyo egiyise, oba tekiri bwe kityo, nga kisingawo naawo. Abalamuzi abangereza bona, ssi nsonga baali bato kwenkana wa oba bakulu kwenkana wa bwe baagendanga okusala emisango, baayambalanga ekiviiri ekkyeeru; okulaga nti teri buyinza bulala bwonna, mu bwakabaka obwo, obuli waggulu w'ekigambo kyabwe. Ekigambo kyabwe ky'enkomeredde ekky'obwakabaka. Kye boogera nga ky'ekkyo kyonna.

Era kaakati, awo, nnakiraba ekkyo. Yali awo ng'ayimiridde, wadde nga Musajja muto, naye ng'ataddeko ekiviiri ekkyeeru. Ye yali, Obuyinza obusukkulumu obujjuvu. Yali Kigambo. Era Alina, ng'ayambadde ekiviiri ekkyeeru.

16 Kaakati, awo oluvannyuma nga tumaze okubiyitamu, era n'obubaka, era n'etugenda ebugwanjuba, era ba Malayika ba Mukama bwe bandabikira wabweeru eyo ku Lw'evumbo Omusanvu, era ne kigenga waggulu mu bbanga (ekkyo nga tulina ekifaananyi kyaakyo wano, era n'okwetooloola eggwanga), ye Yali awo ng'ayimiridde awo. Nga akyayambadde ekiviiri ekkyo ekya wig'i ekkyo ng'alina obwo obuyinza obusukkulumu. Ye ye Mutwe gw'E kkanisa. Gwe Mutwe gw'Omubiri. Tewali wo kintu kiringa Ye, awantu wonna. "Yakola ebintu byonna ku lulwe. Yeekolera ebintu byonna, era w'atali Ye tewali kintu na kimu kyakolebwaa." "Alina obuyinza bwonna mu ggulu era ne ku nsi," era buli kintu kyonna kikye. "Era mu Ye mwe muli obujjuvu bw'obwa Katonda bwonna mu mubiri." "N'Ekgambo kyali Katonda, era ne kifuuka omubiri mu ffe." Era Yali Ye Oyo eyabikkula ekyma kyonna ek'yenteekateeka eyo bulokozi, eyo ba nnabbi bona n'abasajja abagezigezi gyebaali boogeddeko. Ye yekka ye Yali Oyo alina ekiviiri ekya wig'i n'Obuyinza obusukkulumu.

17 Kaakati, nnabadde nnyimiridde, waggulu ku kasozia amakya ga luli, nga kirabi kanga awabaddde bu kaamuje nga busimaasima waggulu eyo. Era ne ntandiika okuserengeeta wansi. Era nnali nnaakamalawo akaseera katono, awo, ekisaka ne kyenyenyeza okumpi nange, era omuntu omunene ng'alina emmundu ey'emidumu ebiri n'avaayo ng'atambula okuyita mu bisiko awo, ne kintiisaamu kko. Ne nneeyongerayo, era ne nkutama wansi; nnali ntidde okutambula, nga ntidde nti ayinza okunkuba essasi. Era n'ensiko nga yeenyenya, kaakati awo ne nsigala mu kifo kimu.

Kaamuje n'etandiika okudduka waggulu ku kasozia, era n'agitunuuliza emudumu gy'emmundu gyonna, naye n'atagiteeba, kaakati awo kaamuje n'eserengeta wansi w'akasozi. N'endowooza, "Kaakati nja

kudduka; amaloboozi amangi ago gonna nga gawaawaala. N'emmundu ye terimu masasi."

Awo ne nserengeta wansi ku kasozi, awo omusajja n'akuba essasi awo wennyini mu maaso gange, ne nkyuuka okudda *eno*. Era ne ntandikira awo, okuyitira mu kkubo eddala, era emmundu ey'ekika ekya 22 n'etandika, era amasasi nga gampitako waggulu. Ne njamba nti, "Gamba, ndi mu kifo eky'akatyabaga."

18 Kaakati awo ne nkyuuka era ne mpita ku ludda Iw'omugga. Era ne ndowooza nti, "Nja kugenda wansi eno nneekweke okutuusa nga biwedde, awo nsobole okuvaayo." Era ku luguudo wansi, nnasobola oku...ebirowoozo byange byasikibwa okutunula ku ludda Iwange olwa ddyo. Era, bwe nnakikola, awo waaliwo akapaketi ka sigala akakalu awo omu ku bo ke yali asudde wansi, mu kudduka kwabwe kwonna...nga bukaamuje buyita mu bisiko.

Era ne nnonda akapaketi ka sigala kano, era nnali ndaba...ssaakalondawo wansi, nsaba munsonyiwemu katono. Nnakatunuulira wansi wekaali, ssaakalondawo, kubanga ekisookera ddala, ssaagala kuwunya bintu ebyo. Era n'entunula wansi awo, nga kampuni ya taaba emu gye ndowooza nti ssiteekeddwa kwogera linnya lyayo, naye mujja ku gimannya. Kawandikiiddwako awo, "Akasangejja k'omuntu alowooza era obuwoomi bw'omufuuweesi."

Nnatunuulira ekintu ekyo, era ne ndowooza nti, "Akasengejja k'omuntu alowooza?" Nnalowooza nti, "Singa omuntu asobola okulowooza ddala, teyandinywedde ddala sigala. Kiyinza kitya okubeera Akasengejja k'omuntu alowooza'? Omusajja alowooza teyandinyweredde ddala sigala yadde." Kituufu.

19 Kaakati, nnalowooza nti "Ekyo nga kyabulimba!" Kaakati, kampuni ezo eza taaba zirina okuba nga z'Abamerika. Era Oh, singa tubeerawo ku Iw'enkola zaffe, twandibadde tukola okuyambagana, bwe tuba nga tulina enneewulira eri banaffe. Nga kyabunnaanfuusi! Ensonga Iwaki ssoogedde linnya lya kampuni, nnina okuboogerako ebintu ebibi. Era engeri omuntu yenna gy'ayinza okubeeramu munnanfuusi, okukolamu sente?

Omuntu alowooza tasobola kufuuweta taaba yadde. Naye laba engeri abantu b'omu Amerika bwe bakiayaayaanira; balowooza nti kirungi nnyo!

Kaakati laba, tosobola, tosobola... buuza omuntu yenna, bannassaayansi, ojja...Tosobola kufuna mukka nga tolina kirungo kiguleeta ekya *tar*. Bwe wabanga waliowo omukka gwonna ogufulumayo, ekyo ky'ekirungo ekireeta omukka. Era singa tofuna mukka gwonna, kale, awo tofuna kirungo kino, era awo tofuna kintu kyonna. Obeera osika kuva mu kati kakalu. Naye kasita ofuna omukka gwonna, oba oli mu kuyingiza Kkookolo, obutwa.

20 Singa wali nange omwaka oguwedde, oba omwaka nga guno oguwedde tegunnatuuka, nzikiriza bwe gwali, ku mwoleeso gw'ensi yonna, awo Yul Brynner era n'abalala bona baaliyo waggulu eyo nga boleesa, era ng'obala nga bafuuweeta sigala, nga balinako mwe bamuteeka, era ne bamuggyamu ne bamuyisa ku katundu k'ejjinja eddungi. Era omusawo oyo n'atwaala ka pamba, yazungululayo kamu era n'akaggyako ekirungo eky'obutwa ekitamiiza ekya *nicotine*, era n'amuteeka ku mugongo gw'emmese enjeru, era n'agiteeka mu kayumba kaayo. Era buli luvannyuma lwa nnaku musanvu ne bagiggyayo. Era emmese yali ejjudde nnyo Kkookolo nga tesobola na kutambula ku Iw'ekirungo ky'obutwa ekitamiiza ekya *nicotine* ekivudde mu munwe gwa sigala ogumu.

Kaakati n'agamba nti, "Omanyi, bagamba nti osobola okumuggyamu ng'omuyisa mu kasengejja." N'agamba nti, "Tosobola kubeera na kasengejja... Akasengejja konna akasobola okuggyamu ekirungo ekitamiiza okukifulumya, kafulumya n'omuka wabweru," n'agamba nti, "kubanga olina okuba n'omukka... okuba n'ekirungo ekyo ekikola omukka kya bayita *Tar* okudobola okukola omukka, era ekirunga kye bayita *Tar* ekyo kye kikivaamu Kkookolo."

Era kaakati awo n'agenda, n'akiteeka mu mazzi, era n'agamba nti, "Ebiseera ebimu olowooza nti osobola okukisengejjamu." N'agamba nti, "Buli kiseera, nti, sinsonga wa w'okiteeka." N'agamba nti "Bagamba nti, 'Nze sigussa kukuyingiza munda,' olwo ne bamuteeka mu mimwa gyabwe olumala ne bakiwandula wabweeru." Kaakati awo n'amukwaata era n'amuzinga, n'amuteeka awo wansi w'ekintu ekimu, era n'atulaga nga akyali Kkookolo. Kiki ky'okola? Okimira nga kiserengeta wansi mu mumiro gwo. Okiraba? Ate sinsonga kiki ky'okola, kisigala kufa. Okiraba?

21 Era awo okulowooza nti kampuni ejja kulimba omuntu ekimala, okugezaako okulimba abantu baayo bennyini. kiringa ensegga okweyawula, okuva ku b'ekika kyaayo. Okukola sente, okutunda okufa eri e-eggwanga, era eri abasajja abato. Era ne bagenda mu maaso wali mu lutalo we balwanira ne babafiirira abo, ate ne bakyuka ne batunda ebintu ng'ebyo, wansi w'okwefula okw'obulimba, "Akasengejja k'omuntu alowooza, wabula obuwoomi bw'omufuuweesi."

Abantu nga baggwaamu ku Iw'ekyo, newankubadde! Bakifuna. Kaakati, ekyo kyakwongera kukulimbira ddala. Okiraba, kya Setaani. Tebafaayo ku bulamu bwo. Tebalina nneewulira yonna gye balina ku lulwo. Bakuguza ebintu ebyo bo bakutunuulire ng'ofa, kasita bo bafuna sente.

22 Kiringa ebyobufuzi n'entalo. Ssikkiririza mu ntalo. Sikikkiriza nti twandibadde tubaako n'olutalo.

Nzikiririza mu bwakabaka obw'amaanyi Katonda bw'aleeta, obugunjufu obw'amaanyi obujja okuleetebwa wansi nga buli wansi w'obufuzi bwe obw'amaanyi bwennyini; tewajja kuberawo lutalo lulala nate. Eggwanga terija kugalulira ggwanga ddala mafumu. Bonna bajja kuberera mirembe, emirembe Egitaggwaawo.

N'olwekyo kino ekika ky'obugunjufu kireetawo ntalo. Era gye tukoma okuberera abagunjufu, wansi wa kino, gye tunaakoma okuberera n'entalo ennyingi. Omu agezaako okuberera omugunjufu okusinga omulala, era obugunjufu gye bukoma gye wakoma n'okuberawo entalo. Okiraba?

Era laba kiki, wansi w'obugunjufu buno, nti omuntu okuteekawo ekintu ng'ekyo. Ng'era ekintu kyokka kye kikola, kikulimba bulimbi kyokka weeyongere okugula sigala omulala. Kubanga singa omuntu afuweeta sigala...Era nzikiriza nti kya Setaani, era nga mulimu omuzimu gw'ekirungo ekitamiiza mu musajja ova omukazi. Era singa omunwe gumu ogwa sigala gukkusa omuzimu gw'ekirungo ekitamiiza ekyo okutuusa nga gukulese wekka era ne gulekeraawo okukuyigganya, n'omunwe gumu ogwa sigala. Awo n'olyoka otwaala akasengejja, n'oleka kimu kya kusatu eky'omukka okuyita omwo awo, ova kimu kya kusatu eky'ekirungo ekitamiiza ekyo okuyita awo, awo kijja kutwala sigala ssatu okutwala ekifo ky'ogwo ogumu, era kaakati awo oggya kufuuweeta esatu mu kifo ky'ogumu.

Mulaba, nkola kyokka, obulimba, nkola yaakugezaako kutunda sigala. Basobola okutunda mungi mu ngeri eyo mu kifo ky'okuleka omusajja afuweete oli taaba yennyini mu mmindi ye ova mu sigala we. Kaakati, okiraba, ekyo kya Setaani.

23 Bwe nnali nga nnyimiridde awo nga nkutunuulidde, nga ndowooza engeri gye kyaali eky'obulimba, ekibuuzo ne kiznjira. Era ne nkutama nate ne ntunuulira akapaketi nate, era ne kibeera nga ekintu ekyanjamba nti, "Naye enjogera eyo nnungi, akasengejja k'omuntu alowooza, obuwoomi bw'omufuuweesi." Ne kiznjira nti obwo nabwo bulimba, mu mbeera ey'obutonde obwa taaba, ky'ekintu kye kimu mu nkola z'amakanisa g'olwa leero, okiraba, obulimba.

Kituuse okuberera nti ensi yonna efuuse bulimba obw'amaanyi obwa kiki ddala ekituufu era n'ekituufu. Okiraba, ne mu by'obufuzi, era ne mu mbeera z'abantu ezaabulijjo, mu masomero, mu buli kintu kyonna, kifuuse kya bulimba.

24 Omuvubuka omuto yali ambuulira ku lunaku luli nti yali wansi eyo mu lusiisira lw'abamaje, omujaasi omuto Tanka y'amajje n'emutomera era n'emuyitako; amawuggwe ge, olubuto lwe, na byonna kye byaali, ne byabikayabika. Era ne bagenda ne bamutwala mu ddwaaliro; baalina abasawo basatu ova bana nga bayimiridde awo mu lunyiriri, era na buli muntu ng'ayimiridde mu nyiriri. N'abasirikale babiri ova basatu nga basutidde munnaabwe waggulu, era nga ye tasobola na kussa...Buli mulundi bwe yayinzanga okussa, ng'olubirizi olwo lwefumita mu mawuggwe ge. Era ekyo ne kimuleteera okuyiwa omusaayi munda. Era ne baleka omuvubuka oyo omuto ayimirire awo mu lunyiriri olwo, emabega waalwo, ne bamuleka, abo abavubuka abalala nga tebalina kibaluma kirala wabula okulumwa okutu, ova ekintu ekimu, ne bagenda mu maaso.

Era nga mu budde obwo n'ayimukawo, kkano omu mu magye n'ajja n'omwana omuto eyali abutuse, mutabani we omuto ova omuwala we yali abutuse ku mukono. Era ne bayimiriza olunyiriri olwo, okuyingizaamu omwana wa kkano, era ng'omulenzi oli akutusekutuse, ng'afa. Awo wetuli.

Oh, singa kkano oyo yalina enneewulira ey'obwesimbu eri muganda we eyali mu lunyiriri, yandigambye nti, "Omwana ono asobola okulindako. Muleete omusajja oyo wano mu bwangu ddala, mubeeko kye mumukolera!"

25 Naye buli muntu ayagala kulaga buyinza bwe. Kaakati, bona tebali bwe batyo; Nedda bona tebali bwe batyo. Wabula waliwo bangi abali bwe batyo. Waliwo bangi nnyo abali bwe batyo. Naye omusajja, ekintu kyokka kye yali alowoozaako, yali mutabani we yekka omuto eyali alina omukono ogubutuse, era nga talowooza ku muvubuka omuto omunaku ayimiridde awo akutuddwakutuddwa wansi wa Ttanka, eyo Ttanka yennyini ova oli awo omulenzi yennyini oyo eyandi taasizza obulamu bwe olunaku olumu eyo mu lutalo wali mu maaso we balwanira. Okiraba, tebayimirira ku lowooza; beerowozaako bokka.

"Akasengejja k'omuntu alowooza."

Nnakitunuulira, era n'endowooza nti, "kiringa ebibiina by'amadiini ebya leero, amakanisa ge tulina." Buli limu ku go lirina akasengejja k'alyo; balina ekika ky'akasengejja kaabwe. Baleka buli kye baagala okuyingira ne kiyngira, era na kiki ekitalina kuyngira; ekyo kye basengejja okuyingira munda ne kye basengejja okufuluma wabweru, wamu n'ekika ky'akasengejja ke balina. Baleka ensi yonna okuyingira basobole okumatiza abatakkiriza be balina munda eyo. Bajja kubayingiza sinsonga kiki kye bali, kasita babeera ne sente. Bajja kubayingiza sinsonga kiki kye bali, kasita babeera abettutumu.

Naye waliwo ekintu kimu ekikiriko, tosobola kuyngira mu Kkanisa ya Katonda bw'otyo; si mu bibiina

by'amadiini kaakati, ntegeeza Ekkansa ya Katonda eya nnamaddala.

26 Nga amakolero ga taaba aga leero, abantu abajja mu gano agayitibwa amakanisa oba ebibiina by'amadiini, balina ebibawoomera, era ebyo ebibawoomera by'ebintu by'ensi. Era buli kibiina kya ddiini kirina akasengejja kaakyo, era basengejja Abakristaaayo bona ab'amazima abandingambye nti, "Amiina" ng'ali mu kubuulira; era ne bayingiza abo bona ba Yezeberi abasala enviiri ennyimpi, era abebbyuudde abali mu ggwanga, kasita babeera nga ba ttutumu. "gundi ne gundi asabira waffe...omuzanyi wa ffirimu nnakiinku, omuntu ow'amaanyi." Ekyo ky'ekika kya kasengejja ke bakozesa. "Ekibiina kyaffe eky'eddiini gundi ne gundi, omukulembeze w'eggwanga, oba-oba kkano oba omuntu gundi wa kibiina kyaffe eky'eddiini." Olaba ekika ky'akasengejja kye bakozesa? Akasengejja ako, mumazima ka nsi, abantu b'ensi.

Abantu, bamanyi kye baagala. N'olwekyo bwe babeera nga balina okufuna kye baagala, kaakati awo balina okubeera n'ekika ky'akasengejja, era n'ensi emala okwogereramu, okumatiza okwagala kwe balina eri ensi. "Akasengejja k'omuntu alowooza, obuwoomi bw'omufuuweesi." Akasengejja k'ensi y'ekinnaddiini, era obuwoomi bw'omuntu w'ensi.

27 Baagala kubeera bannaddiini. Balowooza bateekeddwa kubeera bannadiini, kubanga balina emmeeme.

Bwe twaali twakajja mu ggwanga lino, wasanga Abayindi nga basinza njuba n'ebirala, kubanga, (Iwaki) ye muntu. Tuddayo eyo ewala mu bibira bya Africa, tusaanga abantu abazaaliranwa nga balina bye basiinza. Lwaki? Abo bantu, era baagala, balina okusiinza.

N'olwekyo omuntu, sinsonga yagwa kyenkaniddewa, asigala akimanyi nti waliwo ekintu ekimu awantu awamu. Naye alina okwagala bwe kutyo eri ensi, nti tasobola kutwala kasengejja katuufu. Alina okubeera n'akasengejja ke yekoledde yennyini. Buli omu nga yekolera akasengejja ke ye k'ayagala.

Buli kampuni ya sigala yeenyumiriza mu byaayo, ekyo kye basobola okukola, "akasengejja akaddala! Kano ke kasengejja akasinga! Ku bwonna!" era bona ne bakyagala ekyo. Bagamba nti, "Obuwoomi bujja," oba ekintu ekimu, "okuva mu maaso." Oh, ku Iw'obulungi.' "Mu maaso"? kiki ekiri emabega waakyo, newankubadde? Mu mazima si musajja alowooza oba Mukazi alowooza. Naye ekyo kye boogera, kulimba bulimbi bantu.

28 Kaakati, tukizuula, mu nnaku zaffe, nti abantu balina bye baagala. Naye Iwaki omuntu afuuwa sigala? Kumatiza ky'ayagala. Kiki ekifuuweesa omukazi sigala? Kumatiza buwoomi.

Era kaakati ekkanisa bw'eba nga esazeewo, ekibinja ky'eddiini, bo...okuyingizaayo abantu, balina okubeera n'ekika ky'akasengejja okuwa abantu ebintu ebibanyumira. Naye bwe batafuna bibawoomera ebyo bye baagala, nga sigala tebamwagala. Era bwe babeera nga tebasobola kufuna buwoomi bwe baagala okuva mu ddiini, tebatwala ddiini eyo. Kaakati, nga kyankukunala nga bwe kisoboka.

Abakazi mu mpale ennyimpi, okusala enviiri ennyimpi, okwebbyuula mu maaso, obugoye bw'ekikaba, ekyo kyebaagala. Bakyagala ekyo.

Nga bwe nnayogedde amakya ga leero n'amakya ga Sande eyayita, ku nnamuziga eri mu masekkati ga nnamuziga, oba ku mmeeme eyo entono eri munda w'omwoyo. Engeri omwoyo bwe guli wabweru, wakati w'emmeeme n'omubiri, nga nga bisobola okujuzibwa ddala n'Omwoyo Omutukuvu. Ekyo mwenna mukitegeera?

[ekibiina ne kigamba nti, "Amiina." - omuk.]

29 Kaakati okugoberera ekyo n'okweyongerayo wamu n'Obubaka, Katonda Ow'ensi Eno, Abafukiddwaako Amafuta Mu Nnaku Ezisembayo. Wabweeru awo, enkulungo eyo eya wakati...enkulungo Enkulungo esooka bwe busimu bw'omuntu. Enkulungo ey'okubiri bwe busimu obw'omwoyo; okwagala, okweyagaliza, okuyaayaana, era n'ebirala. Naye munda y'emmeeme; emmeeme eyo y'eba yateekerwateekerwa okuva edda.

N'olwekyo, basobola okufuka amafuta ku mwoyo guno okuleetera omubiri ogwa wabweru okugondera omwoyo. "Naye, emmeeme eyonoona, emmeeme eyo ejja kufa." Emmeeme egaana, mu butakkiriza, ekigambo kya Katonda, nga ate yo eri kitundu ku kyo, emmeeme eyo Tejja Kuggwaawo...erina, buli bulijjo.

Nzikiririza mu kufa Okutaggwawo, mu ngeri y'emu nga bwe nzikiririza mu Ggulu Eritaggwaawo, naye ate si Ggeyeena Etaggwawo. Tewaliyyo bwe kintu bwe kityo nga geyeena Etaggwawo. Waliwo okufa Okutaggwawo eri abantu abali...Bangi ku bo, bannaddiini, mu nsi olwa leero, babaddenga bafu.

"Omukazi abeera mu masanyu," ng'asaze enviiri ennyimpi wamu n'okwebbyuula mu maaso, "mufu newankubadde nga mulamu." Baibuli bwe yakyogera. Mukiraba? Okiraba, omukazi oyo ayinza okuba munnaddiini, naye talokokanga. Alina endabika eyokungulu. Ayinza okuyimba mu kkwaya, oba ayinza okuzina ng'ali mu Mwoyo, ayinza okwogera mu nnimi, era n'abeera n'okwolesa kwonna okw'Omwoyo. Naye okuggyako ng'emmeeme eyo eri munda ye muwala wa Katonda, okiraba, aba awedde, si nsonga kiki

ky'akola.

30 Isiraeri yali ya mwoyo ku ngulu, nga yonna ejjudde n'obulungi bwa Katonda, nga bassaamu Katonda ekitiibwa, era n'ebirala, naye ekyo tekyaakola. Munda yaabwe tebaasobola kutegeera Kigambo kyo kyennyini.

Naye bw'obeera ng'ozaaliddwa Omwoyo wa Katonda, kaakati awo olina...oli mwana wa Katonda, era bulijjo walinga mwana wa Katonda, era lubeerera oija kubeera mwana wa Katonda. Tewali ngeri ya kukyawula, kubanga kiri...olina Obulamu Obutaggwaawo. Era Obutaggwaawo tebutandikangako; era tebulikoma.

31 Oh, kulw'ekisa kya Katonda, nti Asobole Okutuwa okutegeera okw'ebyaama eby'amaanyi ng'ebyo! Nga Pawulo bwe yayogera wano, okweyongerayo wansi mu Abaefeeso, ng'ayogera ku mwaami n'omukyala, era n'agamba nti, "Kino kyaama," engeri abakyala gye balina okugonderamu babbabw. Era ne mu kifo ekirala, nzikiriza nti bwe kiri, mu Baibuli yonna, obugonvu bwayogerwangako. Yagamba nti, "Abakazi, okulaba nti bagondera babbabw, okugondera bbaawe." Olwo omwami ateekeeddwa okutambulira mu bulamu obwo mu maaso ga mukyala we nti mukyala we asobole okumugondera ng'omwana wa Katonda. Era omusajja bw'agaana okutambulira mu bulamu obw'ekika ekyo, kale, awo, mazima, tayinza kumugondera, kubanga amumanyi kiki ky'ali. Naye bw'abeera nga musajja eyeweewa ekitiibwa ate nga musajja mulongoofu eri mukyala we wamu ne mu maaso g'abennyumba ye, omuweereza wa Katonda owa ddala, awo omukazi, abaana, era n'abalala, balina okussaamu ekitiibwa omuweereza wa Katonda oyo, n'obugonvu.

32 Weetegereze kaakati. Omukazi, baagala okusala enviiri ennyimpi. Baagala okwambala empale ennyimpi, okwebbyula. Buno obupale obumpi era n'ebintu bye ba-bambala ennaku zino, baagala okukikola; kyokka ng'ate baagala n'okugenda ku kkanisa. Olaba amafuta ago agafukiddwa ku mwoyo, so si ku mmeeme. Okiraba?

Bagamba nti, njagala kubeera Omukristaayo ate era nkole na bino ebintu, ate n'omusumba n'agamba nti tewali buzibu. Awo bw'agamba nti tekirina buzibu, "Osobola okubeera mmemba; erinnya lyo lisobola okubeera mu kitabo ky'ekkanisa yange wano; tekirina buzibu," kaakati awo abeera amuwa akasengejja ke ak'eddiini okugya mu ebyo omukazi w'ensi by'ayagala. Ayagala ensi; awoomerwa ebigirimu. N'olwekyo omusumba y'alina akasengejja k'omukazi, naye ali wala nnyo okuva ku kubeera omukazi alowooza. Naye awo wetuli. Awo wennazudde ekitundu eky'okuyigako kino.

Nedda, oyo si mukazi alowooza. Singa yali alowooza, yanditegedde nti ekkanisa si y'egenda okumusalira omusango. Ekkanisa emusalira omusango kaakati okuyita mu bwa mmemba, obugonvu bwe eri ebintu by'alimu era ne mu kitundu mw'abeera. Bali mukumusalira musango kaakati okusinzira kw'ekyo. Naye Katonda agenda kumusalira omusango ku Lunaku olusembayo. N'olwekyo talowooza.

33 Kyekimu ng'omusajja afuuweeta; ayagala nnyo sigala okutuusa ebitundu bye ebirowooza bwe bisannyalazibwa n'ekirungo ekitamiiza ekya *nicotine*. Era okuyaayaana kw'omukazi nakwo kusannyalazza ebitundu bye ebirowooza okutuusa nti ajja kukola ebintu bino ebibi mu maaso ga Mukama, kubanga ayagala akitole; kimatiza okuwoomerwa kw'omukazi w'ensi. N'olwekyo atwaala akasengejja k'ekkanisa y'ensi; era n'akayitamu, kituufu, tewali kyakunsumbuwa. Kiraga...

Kaakati tukiraba awo nti ago ge Mazima. Era omusumba agamba nti, "Ekyo tekirina buzibu. Ffe tetunenya mukazi lwa kukola ekyo. Tekirina buzibu." Kirimu ekibi ekimala mu kyo; ekyo okuyita mu kasengejja k'omusumba. Kiraga nti baayita mu kasengejja k'ebiyamegezi g'eddiini. Era ne bafuna ebiwooma okusinzira ku njigiriza y'eddiini; era ne babeera ne bye baagala okusinzira ku njigiriza y'eddiini. Naye ng'ate mu mazima tebyayitira mu kasengejja ka Katonda. nedda, ssebo.

34 Kaakati, bwe waba nga waliwo akasengejja k'enjigiriza y'eddiini eri oyo alowooleza mu by'enjigiriza y'eddiini, era nga waliwo akasengejja k'ekkanisa eri oyo alowooleza mu kkanisa, akasengejja ka sigala eri oyo alowooleza mu sigala, walina okuba nga waliwo akasengejja aka ddala awantu awamu eri alowooza ebya ddala. Era Katonda alina akasengejja, era nga ky'Ekigambo Kye. Ekyo kyawuzi, kubanga ge mazzi agaawula kulw'ekibi. Kaakati, oyo ye musajja alowooza oba okuwoomerwa kw'omusajja omutukuvu.

Era singa omusajja ayita mu kika ky'akasengejja kano ak'ensi, aba-abooneera awoomerwa byansi. Era nga kampuni ya taaba, afuna abantu bangi mu kkanisa ye okuyita mu kubasindika okuyita mu kasengejja kano. Singa bagamba nti, "Waliwo abakazi bangi abagenda mu kkanisa okusinga abasajja." Ekyo kiyinza okubeera bwe kityo. Kaakati, n'ekyo kiyinza okubeera ekituufu, bwa agenda n'akola kyonna kyayagala okukola. Ekyo kituufu. Ajja kukola, ajja kwegatta ku kintu kyonna, naye ate yayita mu kasengejja k'ekkanisa. Singa yali yayita mu kasengejja ka Katonda, yandikavuddemu nga wanjawulo okuva ku ekyo. Okiraba? Teyandiyyise mu kasengejja ka Katonda era n'akavaamu n'enviiri z'asaze ensibe. Tasobola kukikola yadde.

35 Kaakati kino kigenda kukaayiriramu kko oba oli awo eri omuntu omu. Naye omukazi bwe yatandikira

okuyita mu kasengejja ka Katonda, era nga kibagamba munda awo nti tebalina kusalako nviiri zaabwe, kaakati awo (kiki?) n'asula ku ludda olulala. Bwe kiba nga kigamba nti kibi omukazi okukola ekintu ng'ekyo, era nga kimuweebuula okukikola ekyo.

"Bw'aba ng'ayagala," omusumba n'agamba nti, "kale, asaanidde okusalako enviiri ze." N'agamba, nti, "kaakati nno muzisaleko." Era n'agamba nti, "Tukimanyi nti ekyo kyansonyi eri omukazi okusalako enviiri ku mutwe ggwe." N'ayongerako nti, "Kaakati awo muleke omutwe gwe agubikke." Era enviiri ze ky'ekibikka; si nkofiira nnyabo. Enviiri ze ky'ekibikka, Baibuli bw'egamba. Kituufu, kiraga nti mwawule eri Mukama. Enviiri empanvu, eri omukyala, kitegeesa, omwawule eri Mukama. Kaakati, tukizuula nti ekyo kituufu.

Naye tukizuula nti singa omusajja alowooza, nga bwe bamuyita mu nsi, asobola okufuuweeta n'asigala ng'afuna obuwoomi bwe, agwanidde okuba n'amagezi agamala okumanya nti afuna ekirungo ekibeera mu mukka gwa sigala ekya *tar* okuva mu Taaba. Naye ekyo kyokka, kye kikoze, kumuguza mulala, kumuleteera kugula sigala mulala.

36 Era akasengejja k'ekkanisa kafuna obwa mmemba n'ebintu bwe bityo bwe babaleka okubeera nabo mu buli kintu ate ne basigala nga bakyaali ba mu kkanisa eyo, bafuna bammemba mu kkanisa abasingawo. Watya nga tugenze mu makanisa olwa leero era ne tusengejja buli muntu ng'oggyeko abo abakristaayo abannamaddala abaazaalibwa Ekigambo. Wayinza okubeerawo enjiri enkalu nnyingi eziri waggulu ku kisenge olwa leero, ekyo kituufu, kubanga kiba kiyise mu Kasengejja.

Era bwemba nga nnina okuyaayaana kwonna mu mutima gwange, era nsuubira nti buli muntu ampuliriza alina ekintu kye kimu, "Katonda, mpisa mu Kasengejja ko." Nga Dawudi bwe yagamba nti, "Ngezesza, era onkakase, era olabe oba munze mulimu obubi bwonna, kaakati awo okiggyewo, Mukama." Okiraba? Njagala Kasengejja ka Katonda.

Sifaayo kiki ensi ky'ekola, kiki ekkanisa ky'erina; njagala kubeera musajja alowooza, ndowooze Ani gwe njenda okuyimirira mu maaso ku zimu ku nnaku zino, Olw'omusango.

37 Weetegereze, kampuni ya taaba ekikola okutunda sigala omungi; ekkanisa ekikola okufuna abantu abangi. Omukazi ow'enviiri ennyimpi, ng'ayambadde empale, asobola okukwatibwa mu Kasengejja ka Katonda. aba tajja kukayitamu, n'ezo enviiri ennyimpi, kubanga Baibuli yagamba nti talina ku kikola. Aba tassizzaamu mutwe gwe kitiibwa bw'akola ekyo. Tulina okukimanya. Naye ayita butereevu mu kkanisa nga tekirina buzibu, n'abalala bona, olumu nnyimirira...

Sirina muntu yenna gwempisaamu maaso; Nze ng'omuntu siyogerangako ku muntu yenna, naye ekyo ekibi ekiri mu kkanisa. Munjulira kw'ekyo. Sigambye nti, "Mukyala gundi oba gundi ali kino era na kiri, oba Mwami gundi era ne gundi, oba Levirandi gundi ne gundi ali kino na kiri." Nedda, ssebo. Njogera nti ekibi kiba kibi. Bwe kiba nga kiri mu famire yange, kiba kiri mu nze, kiba kiri mw'oyo yenna gwe kirimu, kisigala kibi. Si ng'omuntu ssekinnoomu, ssoogera kulumba bantu ssekinnoomu. Njogera kulumba kibi. Sifaayo oba ye nze oba yenna ky'ali, kitandikira kuyita mu Kasengeja ka Katonda, ekibi kyonna kijja kukuyimiriza awo wennyini.

38 Weetegereze. Naye omukazi ayagala okuba n'enviiri ennyimpi era ayambale empale ennyimpi oba okwebbyuula n'ekintu kyonna, asobola okuyita mu kasengejja k'abapentekooti mu bwangu ennyo, tewali nsonga yonna ku ekyo, okutuukira ddala mu kufa. Kubanga, ye... agamba, "Kale tewali buzibu bwonna mu ekyo."

"Bw'oba oyagala ensi oba ebintu by'ensi, kiri nti Iwakuba okwagala kwa Katonda tekuli na mu ggwe."

Wansi okuyita mu mwoyo guno, omukazi asobola okusika n'ayingiza mu mmeeme ye, ebintu ebitali bya Katonda era n'ebikontana n'Ekigambo kya Katonda, bwe kiba nga ekyo emmeeme ky'ewoomerwa. Kisobola okuyitira mu kulega; *okulaba, okulega...* kisobola okuyita mu kulowooza, okuyita mu *kukubaganya ebirowoozo*, "Tewali buzibu bukirimu. Nze nkyagala. Nkirinako obuwoomi. Nkirinako enneewulira. Nnina enneewulira nti kino kirungi." Ono Omukazi asobola okuja butereevu okuyita mu ekyo, era ppaka wansi mu mmeeme ye, bw'ebanga emmeeme ye ya kika ekyo. Kiraga nti tafuna kuva mu Kasengejja ka Katonda.

Naye bw'aba ng'alina enviiri ennyimpi, nga yeebbyuula, empale, empanvu, ne zino legeza zonna era n'ebirala byonna nga bwe babiyita; nga boogera ebintu bwe bityo, era nga bakola ebintu ebyo, nga babeerawo ku Iw'ensi, ajja kulekeraawo; tasobola kuyitamu. Nedda, ssebo. Kijja kumuyimiriza ku lubereberye.

39 Weetegereze, omusajja ng'atunuulidde emimwa gye emirungi emimyuufu n'amaaso amabbyuule n'empale ennyimpi era n'obupale obutono obw'omunda, era n'ebirala byonna by'alina; omusajja owa ddala alowooza aba tajja kumutunuulira. Kaakati, omusajja mmemba w'ekkanisa ajja kumutunuulira, amwegombe. Naye sifaayo ngeri gy'afaananamu ku maaso, omusajja alowooza ajja kukyuusa omutwe gwe. Lwaki? Yayita mu Kasengejja ka Katonda, era akimanyi nti okumutunuulira buba bwenzi mu mutima gwe. Ye talowooza nti mulungi.

Agamba nti, "Oyo si kintu kirungi!"

Ku ye si bwe kiri. Ye Yezeberi alabika obubi, omunaku asaasirwa, eri omusajja alowooza. Mutabani wa Katonda amutunuulira n'obuswaavu ova ava ne mu famire y'emu naye gy'avaamu. Ekyo kituufu. "Oyo asobola atya okuba mwannyinaze ate neyeyisa bw'atyo?"

Okiraba, yayitira mu kasengejja kalala, era naye yayita mu kasengejja kalala. Tajja kulowooza nti mulungi, tekisoboka wadde. Obwo si bulungi eri omusajja wa Katonda owa ddala.

40 Jjukira, olumu ng'Omusaayi gwa Yesu Kristo tegunna fuuka Kasengejja, nga bwe tugenda okukituukako mu dakiika ntono, "Abaana ba Katonda baatunuulira abawala ba bantu, nti baali balungi, era ne batwaala mu bo abakazi." Katonda teyabasonyiwa. Nate era ne kidamu, mu lugendo Iwa Isiraeri, era Katonda teyabasonyiwa. Buli omu ku bo yazikirira.

Akasengejja k'omuntu alowooza!

Nnafuluma mu lukuungaana wano; waaliwo omukulembeze omu wano ng'ayimiridde emabega wano emmanju w'ekkanisa ekiro kimu, n'anjamba nti, emyaka nga esatu ova ena egiyise, yagamba nti, "Ensonga Iwaki oyogera ekyo eri nti, gwe oli musajja mukadde." N'agamba nti, "ndowooza balabika bulungi."

N'enjamba nti, "nsobola okukiteebereea ekyo." Okusinziira ku ngeri gye yali atunulamu, osobola okumanya bwe yali afaanaanamu. N'enjamba nti, "Leka mbeereko kye nkugamba. Olina emyaka emeka?"

"Emyaka ng'asatu egy'obukulu."

N'enjamba nti, "Bwe nnali nga ndi wa myaka kkumi n'etaano egy'obuto ku ggwe, nnalowooza ekintu kye kimu." Kituufu. Era ne kaakati kikyaali kikyafu!

41 Akasengejja k'omuntu alowooza! Kaakati weetegereze, singa yali abadde, endowoza ye nga engejjeddwa okuyita mu Kigambo kya Katonda, Akasengejja ka Katonda, teyandimutunuuliddde. Teyandirowoozezza nti mulungi; yandirowoozezza nti Yezeberi. Yandirowoozezza, nti emabega w'emimwa emimyuufu egoo waliyo amanyo ag'obutwa agayinza okumuluma. Era Baibuli yagamba nti, "Emiryango gye ze wankaaki za ggayeena; era omusajja aziyingiramu ng'ente ennume egenda okuttibwa." Ako ke Kasengejja k'omuntu alowooza.

Kiki ky'oyayaanira? Omukazi bw'aserengeta wansi ku luguudo ng'a ayambadde bw'atyo, era basajja mmwe ne mukyuusa emitwe gyammwe ne mu samaalirira awo bwe mutyo, Mubeera temukozesa Kasengejja ka muntu alowooza. Kubanga, gwe bw'okola ekyo, obeera okola bwenzi, Akasengejja ko kaagamba nti, "Buli yenna atunuulira omukazi okumwakirako abeera amaze okukola obwenzi naye." Kyuusa omutwe gwo, omusajja alowooza. Mudduke. Si mulungi. Ogwo musota; ekyo kituufu, yenyoola nga ggwo, yeeyisa nga ggwo, aboja nga ggwo. Mwewale.

42 Oh, yee, Ekigambo kya Katonda ke Kasengejja k'omuntu alowooza. Buli muntu yenna akimanyi ekyo. Ekyo emmeeme yo mw'eyita okusengejjebwa, Ekigambo kya Katonda. era kikola, bw'ojja ng'oyitidde mu Katonda...Omusajja alowooza bw'ajja ng'ayitidde mu Kasengejja ka Katonda kamuwa okuwoomerwa kw'omusajja omutukuvu. Ekyo kituufu. Bw'ojja okuyitira mu Kasengejja ka Katonda, awo by'owoomerwa by'ebyo ebiwoomera omusajja omutukuvu. Kikola okuwoomerwa kw'omusajja omutukuvu. Enjogera eyo mu mazima nnungi.

Kaakati tukizuula engeri kino gye kyakolebwamu mu kifaananyi, mu Isiraeri, olw'ekibiina kya Isiraeri kyokka. Eyo y'ensonga, okwogera kino kaakati, singa abawereza tebakkiriziganya ku kintu kyonna kye njogedde; kino kya kibiina kyange Mukama ky'ampadde okubuulira gye bali.

43 Mwetegereze mu kuva 19, njagala mukisome bwe muddayo ewaka, bwe muba n'obudde obumala. Mwetegereze, Isiraeri bwe yali ekoze ekibi, okusooka baatwala ente emyuufu etaaberangako na kikoligo mu bulago bwaayo. Ekyo kitegeeza nti tebeerangako na kikoligo kya kintu kyonna.

Era yali erina okubeera emyuufu. Langi emyuufu langi ya kutangirirwa. Omanyi, Ssaayansi akimanyi nti bw'otwaala ekimyuufu era n'otunula okuyita mu kimyuufu, okulaba ekimyuufu, kibeera kyeeru. Tunula okuyita mu kimyuufu okulaba ekimyuufu, kibeera kyeeru. Atunula okuyita mu Musaayi omumyuufu ogwa Mukama Yesu, era n'ebibi byaffe ebimyuufu bifuuka byeero ng'omuzira; ekimyuufu okuyita mu kimyuufu.

Era ente yattibwa ekibiina kya Isiraeri kyona, mu ssaawa ey'akawungeezi

Era awo waatekeebwaawo enkoloboze musanvu ez'omusaayi gwaayo awo ku luggi ekibiina kya Isiraeri kyonna we kyalinanga okuyingirira; ekifaananyi ky'Emirembe Omusanvu egy'Amakanisa, olw'Omusaayi.

44 Era kaakati awo omubiri gwaayo ne gutwalibwa era ne gwokebwa. Gwayokebwa wamu n'ebigere,

wamu n'eddiba, wamu n'ebyenda, wamu n'obusa, buli kimu kyayokebwanga wamu.

Era gwali gulina okuggyibwawo omusajja omulongoofu, era ne gutekeebwa mu kifo ekirongoofu wabweru w'ekibiina. N'olwekyo, singa Isiraeri yali esobola okulaba ekifaananyi kyokka! Ekigambo kya Katonda kino tekiteekeddwa kukwatibwako na mikono mikyaafu egy'obutakkiriza. Alina kubeera musajja mulongoofu. Era bw'abeera nga mulongoofu, yalina okuyita mu Kasengejja ka Katonda.

Omusajja omulongoofu, emikono emirongoofu, era kyaali kirina okukuumibwa mu kifo ekirongoofu; si mu kifo ba Yezeberi, era ne bakazannyirizi, era n'ebintu byonna ebifaanana bityo; okusembera ku mmeeza era n'ebintu, ng'ate bwe baddukadduka n'abakyala, era n'abaami, era na buli kika kya bugwaagwa; okugenda mu mazina era n'obubaga, era n'okusala enviiri ennyimpi, era n'empale ennyimpi, era n'ebirala byonna, ate ne beeyita Abakristaayo. Kirina kukumiibwa mu kifo ekirongoofu, era ne kikwatibwa n'emikono emirongoofu.

Era kaakati awo Isiraeri bwe yayonoona, era ne bakitegeera nti bakoze ekikyamu, kaakati awo ne babayiwako evvu ly'eno ente, ku bo. Era ago ge gaali amazzi ag'okwawula okulongoosebwa olw'ekibi.

45 Weetegereze. Kiri bwe kiti! Era Isiraeri, nga tebannaba kujja mu kukujaana mu kusinza, baalina okusooka okuyita mu mazzi ag'okwawulibwa. "Okuggyibwako omusango olw'okukkiriza; kujja okuyita mu kuwulira, n'okuwulira Ekigambo."

Awo ne bayingira mu kibiina wansi w'ezo enkoloboze omusanvu, omusaayi, okulaga nti ekintu ekimu kyafudde era ne kibakulembera, ku lw'ekibi kyaabwe. Baayawulibwa olw'okuwulira Ekigambo, amazzi ag'okwawulibwa, kaakati awo ne bayingira mu lukujaana.

Ekifo kyokka Katonda mwe yali asisinkanide omuntu kyaali mabega wa nteekateeka eyo. Yali tasobola kumusisinkanira wantu walala wonna. Yali alina okujjira emabega w'enteekateeka eyo. Katonda yasisinkananga Isiraeri mu kifo kimu kyokka.

Era Katonda naawe akusisinkana olwa leero mu kifo kimu kyokka, era ng'ekyo kiri mu Yesu Kristo; era ye Ye Kigambo, amazzi ag'okwawula. Era Omusaayi Gwe gwayika ku lw'Emirembe gy'Amakanisa Omusanvu gyonna. Era awo, ku lw'Omwoyo Omutukuvu, tuyingira mu kussa ekimu okwo, okwo okuweebwa Ekkanisa yokka. Oh, nga wa maanyi nnyo Ye!

46 Nate era, kaakati, twagala okutunuulira Abaefeeso 5:26, yagambye nti, "Kiri kunaazibwa n'amazzi n'Ekigambo," amazzi ag'okwawula. Kiki kye kikola? Awo, Akasengejja ka Katonda kye Kigambo. Amazzi ag'okwawula, "okunaazibwa n'amazzi, ag'okwawula, okuyita mu Kigambo," Akasengejja ka Katonda.

Olwo nno, tosobola kujja mu Kristo okuyita mu kasengejja k'ekkanisa. Tosobola kujja kuyita mu kasengejja k'ekibiina ky'eddiini oba ekiyiye. Waliwo Akasengejja kamu kokka, okusobola okuyingira mu kifo ekkyo ekitukuvu, kiri kuyita mu "kunaazibwa n'amazzi okuyita mu Kigambo." Ekigambo kya Katonda ke kasengejja k'omuntu alowooza.

47 Ekkanisa wano ejja kukusalira omusango oba oli mmemba waayo omulungi oba nedda. Bajja kukuwa okuziikibwa okulungi, era ne bendera y'eggwanga bagiwanikeko kitundu ku kufa two, basindike ebimuli ebingi era bakukolere buli kintu kyonna. Naye bwe kituuka ku mmeeme yo okusisinkana Katonda, erina okuba ng'erina Obulamu Obutaggwaawo. Era bwe kiba nga Bulamu Obutaggwaawo, kitundu ku Kigambo. Era ng'ekigambo kyange bwe sisobola ku kyegaana...

Omukono gwange gwennyini sisobola kugwegaana. Amaaso gange gennyini tegasobola kwegaana mukono gwange, oba ekigere kyange, oba akagere kange, oba ekitundu kyange kyonna. Tebisobola ku kyegaana.

Era newankubadde omusajja n'omukazi abali ekitundu ku Kigambo kya Katonda, okwegaana ekitundu yadde ekimu eky'Ekigambo kya Katonda. Kale nno, abakazi bwe mulowooza nti musobola okusala enviiri ennyimpi era ne mujja mu Kubeerawo kwa Katonda, muli bakyaamu. Okiraba? Oli mukyaamu; tosoboola kuyita mu Kasengejja ka Katonda awo w'onaazibwa n'amazzi ag'Ekigambo kya Katonda. Olwo n'oyingira mu kussa ekimu. Olowooza oli, naye tosobola okutuusa ng'ozze okuyita mu Kigambo, era na buli katonyeze akatono, na buli Kigambo kya Katonda kyonna ekitono ennyo. "Omuntu tabeera mulamu na mmere yokka, naye na buli Kigambo." Kirina okuyita mu kusengejjebwawa okwo, okuyitamu. Era ekkyo kye kiwa obuwoomi bw'omusajja omutuukirivu, kubanga, ekkyo ky'anoonya, anoonya ekintu okumulongoosa.

48 Ekigambo, Ekigambo kya Katonda ke Kasengejja k'omuntu alowooza, era kikola obuwoomi bw'omusajja omutuukirivu. Tukimanyi nti ekkyo kituufu; kisengejja ekibi kyonna eky'obutakkiriza wabweru. Tewakaaliwo butakkiriza bwonna bw'oyitira mu Kasengejja, kubanga kye kiwoomera omukkiriza owannamaddala.

Omukkiriza owannamaddala ayagala okubeera omutuufu, sinsonga. Ye tayagala kugamba nti, "Kale, nze ndi omu ku bantu abaawaggulu mu kitundu. Ndi wa kkanisa, ekkanisa esinga obunene mu kibuga."

Nze sifaayo oba kubuulira njiri mu kkoona, oba mu kidaala, awantu awamu, omuntu alowooza akimanyi nti alina okusisinkana Katonda. Era nga oggyeko kiki ekkanisa ky'egamba, oba omuntu yenna omulala ky'agamba, alina kukkirizaganya na bukwakkulizo bwa Katonda. Era obukwakkulizo bwa Katonda kye Kigambo kya Katonda.

"Kale," bagamba nti, "Ekigambo kya Katonda."

Mazima, bona bakkiriza nti ky'Ekigambo kya Katonda, naye osobola okwesengejja n'okiyitamu? Ogenda kuleka otya omukazi asaze enviiri ennyimpi okuyitamu? Ogenda kukikola otya ekyo? Ogenda kuleka otya omusajja ayitemu omwo atasobola kugumira njigiriza eno? Okiraba?

Ekyo tekiwoomera muntu alowooza. Nedda. Omuntu alowooza ajja kulowooza, omuntu alowooza ajja kusooka kulowooza emirundi ebiri nga tannaba kubuuka kuyingira mu kintu bwe kityo.

49 Weetegereze, Ekigambo ekyo tekisobola kwewakanya. Awo nno kimatiziddwa, oba kwe kuyaayaana. Okuyaayaana ku Iwaki? Kiki ekyakuleetedde okukiyaayaanira, mu kifo ekisooka? Kubanga wansi mu mmeeme yo mwalimu ensigo eyateekerwateekerwa nga obwo bwe bwali Obulamu Obutaggwaawo, bulijjo nga buli awo munda, bulijjo bwali munda. "Abo bona Kitange b'ampadde bajja kujja gyendi. Tewali yadde n'omu agenda okubula."

Ebiwoomera omuntu alowooza, omuntu alowooza bw'awulira Ekigambo kya Katonda, "Endiga zange ziwlira Eddoboozi Lyange, omugwira tezijja ku mugoberera," kubanga wansi munda mu zo waliyo Obulamu, era Obulamu bukwatagana na Bulamu.

Ekibi kikwatagana na kibi, era ekibi kinnaanfuusi nnyo okutuusa bwe kirowooza nti kyalokolebwa ng'ate tekyalokolebwa. Kiri wansi nnyo mu buziba bw'obunnaanfuusi.

Bammemba b'Ekkisa baagala akasengejja k'ekibiina ky'eddiini awo nno basobole okubeera n'okuyaayaana kwabwe ng'ate era bwe bateekebwa mu ttuluba ly'abantu "Bannaddiini".

Obawulira nga bagamba nti, "Oh, munnaddiini nnyo."

50 Nnaliko, mu Africa lumu, era baali boogera ku kino, abamu ku baana baali boogera ku bayimbi ab'ennyimba z'okwetigonyola eza ba Elvis Presley era n'abo abaali bayimba, Pat Boone era n'ebirala byonna, Ricky Nelson era n'abo bona abalala. Ne njamba nti, "Abo ntuumu ya bakyewaggula."

Omuwala omu omuto n'agamba nti, "Lwaki, munnaddiini nnyo."

Ne njamba nti, "Ne Yuda bwatyo bwe yali." Ne njamba nti, "Yuda ye yafuna bitundu bya zzaabu maakumi asatu; Elvis Presley ye afunye obukadde bwa Ddoola obuwelako." Okiraba? "Bombi baatunda obusika bwabwe." Okiraba? Ne njamba nti, "Abo bali...abasinga okubanjibwa eggwanga be lirina." Nga, bakyalimba ng'obulimba bwa kasengejja ka sigala bwe buli, bino ebibiina by'eddiini bireka abantu abo okuyingira. Bagwanidde okuba...waggwanidde okubeerawo etteeka nga tebalina na kuyimba nnyimba za ddiini. Kikontana... kiteekeddwa okubeera nga kimenya mateeka bo okukikola.

Naye ekintu kyonna kifuuse entuumu ennene ennyo ey'obunnaanfuusi, era eyo gye babeera olwa leero. Akasengejja ak'amazima eri emmeeme, bagamba nti, "Bwe mwagala ensi oba ebintu by'ensi, okwagala kwa Katonda kuba tekuli mu gwe."

51 Okiraba, tosobola kugamba nti amazina g'okwetigonyola aga *rock and roll* ga nsi...oba ga Katonda...oba ga nsi Agamu gonna ku ago amazina era ne gasengejjebwa...ebintu ebikyaafu ebyennyamiza, manyanga, by'ansi. Byonna by'ansi.

Tosobola kugamba nti okasala enviiri z'abakazi kya bwa Katonda. Baibuli egamba nti si bwe kiri, n'olwekyo obwo bukyafu bwa nsi. Era bw'oba ng'oyagala akatundu konna ak'ensi, okwagala kwa Katonda tekuli na mu ggwe. Okiraba?

Kye kiki ekyo? Kale, kiki ekikireeta? Kibeera kintu ekiri munda wansi. Emmeeme yo efuna by'efuna okuva ebweru, okuva e bweru n'ekitwala okukiyisa mu mwoyo, pakka mu mmeeme. Era emmeeme bw'ebeera ng'eyagala ensi, ebeera nfu. Sifaayo efukiddwaako amafuta genkana wa, eri bweru *wano*, era ntuukirivu etya wabweru *wano*; wansi *wano* ebeera nfu. "Kubanga oyo ayagala ensi, oba ebintu by'ensi, okwagala kwa Katonda tekumulimu yadde," sinsonga munnaddiini kyenkana wa.

Akasengejja akatuufu, mu ngeri eyo, kajja-kajja kufulumya ebintu ebyo byonna era kaleete si kintu kirala kyonna okuggyako amazima ga Katonda, Ekigambo, mu mmeeme eyannamaddala entuufu.

52 Balinga Esawo, ku ngulu bali bulungi. Esawo yali munnaddiini ku ngulu. Era bwe kituuka ku ddiini, yalabika okubeera munnaddiini nnyo n'okusinga Yakobo bwe yali. Yalabika okubeera omusajja omulungi n'okusinga Yakobo bwe yali, naye ate munda mu ye, kye yali. Ku ngulu yali munnaddiini, naye okulowooza kwe kwali tekusengejjeddwa. Teyalowooza bulungi ku busika. Teyalowooza nti Katonda, obusika bwali

butegeeza kinene nga Katonda kye yagamba bwe bwali. Awo we yali, n'agamba nti, "Enjala ennuma, njawulo ki gye kikola okubeera n'obusika obukadde? Gwe osobola okubutwala bw'obeera nga obwagala." Oh, abaffe! Okiraba?

"Nnjenda mu kkanisa; nange ndi mulungi nga bw'oli. Ekibiina kyange eky'eddiini nakyo kiringa...Iwaki, kye kimu kubisinga amaanyi mu nsi. Maama wange yali waakyo. Kitange yali waakyo. Byonna *bino*, na *biri*, era *n'ebirala*. Omusumba wange yali muyivu; alina *kino na kiri*," Ekyo kimusembeza nnyo ne Katonda. Ako si kasengejja ka muntu alowooza.

Singa bwe kyali, Peetero yandi sobodde atya okubeera ekyo kye yali, nga yali tasobola na kuwandiika linnya lye? Naye yakozesa Akasengejja k'omuntu alowooza. Weetegereze. Oh, abaffe!

53 Esawo, yalowooza nti obusika obwo bwali tebulina kye butegeeza kw'ekyo Katonda kye yagamba nti kye butegeeza. Eyo ye yali enjawulo wakati w'okufa era n'obulamu. Era n'olwekyo, nga Kaawa era nga Yuda, baatunda obusika bwabwe ku Iw'okumatizibwa okw'okwagala amagezi ag'obugunjufu. Ky'ekyo kyenynini Kaawa kye yatundira obusika bwe. Yabutunda ku Iw'okuwoomerwa okutono okwa Ssaayansi, okuwoomerwa okutono okw'amagezi g'ensi, ekkanisa esingako wano katono, abantu ab'omulembé okusingako bano, bwe kiyinja okuyitibwa olwa leero. Okiraba?

Era Yuda yatunda obusika bwe ku Iw'ebitundu asatu ebya feeza, era akoleyo Ddoola ezisingawo kko. "Ekibiina kyange wano kyo kinsasula bulungi, era nze nja kbuulirira wano." Okiraba? "N'olwekyo, singa nfuuka omubuulizi, kale..."

54 Baagamba nti, "ow'oluganda Branham, tukkiriza nti Obubaka obwo ge Mazima, naye tetusobola kubukkiriza. Singa tukikola, Iwaki, wa we tunaabuulira?" Huh! Ensi, ow'oluganda, ogwo muluka. Mazima. "Kale, tewali yadde n'omu ku b'oluganda ajja kumpagira." Nze siri mukunoonya wa luganda yenna kumpagira. Nnoonya Yesu Kristo y'aba ampagira, kubanga ye Yakiyimirirako. Ye Yakyogera.

Era awo obusika obw'amazima, Omusaayi, nga gusengejjeddwa Ekigambo; era n'ekibi kyonna, era n'ensi, era n'ekkanisa, n'ebibiina by'amadiini, n'enueewulira ku kubera mmemba w'eddiini, birekeddwa wabweru. Eby'enjigiriza, obugunjufu, kkanisa, ebibiina by'amadiini, enkola, ekibi ekyabuli kika kirekebwa wabweru omusajja alowooza bw'atwaala Akasengejja k'omuntu alowooza, mu kugeraageranya kwa Katonda.

Tewaliwo kintu kisigalawo omuntu bw'asembeza obulamu bwe okuyita mu Kasengejja ka Katonda; weetegereze, wano obulamu bwo bwonna bwali butabuddwa tabuddwa n'ekibi, kubanga, "wazaalibwa mu kibi, era n'okuzibwa mu bujeemu, wajja mu nsi ng'oyogera bulimba."

Nnjenda kubearako ne kye njogera, nga ow'oluganda McCullough bweyateranga okugamba. Mumpulirize.

55 Bbewajja mu nsi eno, wazaalibwa mu kibi. Tewajja yadde n'omukisa ogwerwanako. Gwe, "wazaalibwa mu kibi, n'okuzibwa mu bujeemu, wajja mu nsi ng'oyogera bulimba," munda mu mwoyo gwo, okuyaayaana kw'ekibi, omwagazi w'ekibi kubanga wazaalibwa mu kibi. Tewalina kakisa.

ayagala ekibi kubanga wazaalibwa mu kibi.

Naye wansi munda mu ggwe, wano n'ojoja, waaliwo ekintu mu ggwe ekyatandika okusembera. Singa wali omanyi, kyali kintu ekyakugamba nti waliyo Katonda awantu awamu; era ggwe soma Ekigambo Kye. Kaakati awo n'ofuna ekkanisa, n'otwala ebirowoozo by'abwe bwe baabikugamba obulungi, kaakati awo n'otakozesa Kasengejja ka muntu alowooza. Naye bw'okozesa Akasengejja ka Katonda, nga ke Kasengejja k'omuntu alowooza, kubanga, "Obusengejja obulala bwonna buja kuggwaawo, naye akange tekajja kuggwaawo." Era bw'otwala Akasengejja ka Katonda, n'oleeta obulamu bwo, okuyaayaana kwo; singa ofuna okuyaayaana kwo okukuyisa mu Kasengejja ka Katonda, Akasengejja k'omuntu alowooza, waba tewasigaddeeyo kintu kirala kyonna naye Omwoyo Omutukuvu.

Kaakati, bw'oba oyagala obukakafu bw'Omwoyo Omutukuvu, buubwo awo. Nga emmeeme yo eterdede wamu n'Ekigambo kya Katonda, mu buli nsoga yonna, kiraga nti oleese obulamu bwo okubuyisa mu Kasengejja k'omuntu alowooza, Akasengejja ka Katonda.

56 Weetegereze, ako ke Kasengejja ka Katonda? yagamba nti, "Twanaazibwa n'amazzi g'Ekigambo."

Era Katonda bwe yawa Adamu ne Kaawa Akasengejja, mu lusuku Iwa Adeni, yagamba nti, "Temubaako kye mujja eyo." Naye Setaani n'akikubamu ekituli, n'agamba nti, "Oh, kino kitono, tekijja ku bakosa." Ettondo limu lyokka, okuyitamu, kye kyaleeta okufa mu lulyo Iw'abantu.

Ekyo kyokka kyeikitwala, kulegako katono ku kirungo ekitamiiza ekya *nicotine*, awo nga bawedde.

Tewali kintu kirala kisigalidde okuggyako Omwoyo Omutuvu.

Era kaakati ekyo kiraga nti mu ggwe mwalimu eyo ensingo eyateekerwateekerwa edda munda mu gwe, ekuleetera okulumwa enjala ku Iwa Katonda. "Abo bona Kitange b'Ampadde, abampadde Nze okubanunula; baafa wamu nange e Kaluvaliyo; ne bazuukira nange mu kuzuukira; abo bona be yampa, bajja kujja gyendi. Bajja kuteekebwa mu Mubiri, eyo ebigere, emikono, ennyindo, emimwa, kyonna kye kiri; bajja kuteekebwa munda eyo. Era bajja kujja gyendi mu biro byabwe." Oo, abaffe!

57 Eyo we wali okusengejjebwa kwonna okwa ddala okw'ekibi kyonna eky'ensi, era ng'okwagala kw'ensi kufu, era ng'emmeeme eno efuna ekintu kimu kyokka. Kiikino, toki... jjukira! Tokyerabira. Mwe mwenna abali wabweru eyo ku masimu, muteeke kino wansi mu ndowooza yammwe. Omusajja alowooza bw'atandika okulowooza ani gw'agenda okuyimirira mu maaso, era na kiki Ekigambo kya Katonda kyekiri; bw'atandika okulowooza, kaakati awo bw'afuna okuyita mw'ekyo, tewaliwo kintu kyonna kiyinza kumutuukako okuggyako Omwoyo Omutukuvu.

Kye kiki? Ke kawulungwa, ensigo y'Ekigambo okuva ku lubereberye, nti gwe wali mu Katonda ku lubereberye, ng'oyimiridde wano ng'ofuna Obulamu bw'ensigo. Ensigo eri mu mutima gwo, okuyita mu kubeera nga wayawulibwa okw'edda. Aleruuya! Ensingi emaze okubeerawo okuyita mu kumanya kwa Katonda okw'edda, okuteekerwateekerwa. Era bwe kifuna, tekisobola kufuna kuva mu kintu kyonna okuggyako Ekigambo.

Era kaakati awo ky'ekiwoomera omuntu olowooza, omuntu omutuukirivu, omuntu omutukuvu oyo alaba Baibuli, nti Yesu Kristo y'omu jjo, leero, era n'emirembe gyonna. Kiki ekijja mu kifo ekyo wansi eyo? Ekigambo ekyo, ekiri mu mutima. "Nkwese Ekigambo Kyo mu mutima gwange, nneme okukwonoona Ggwe."

Kye kiki, nga kifuna okuyita mu kigambo? Waliwo ekintu kimu kyokka ekijja okuyita mu Kigambo; nga y'Omwoyo Omutukuvu. Ky'ekintu kyokka ekisobola okuyita mu Kigambo, y'Omwoyo Omutukuvu. Akasengejja k'omuntu alowooza kawa omuntu omutukuvu okulozaako.

58 Kaakati awo, alozezzaako ku bintu eby'omu Ggulu; alina Ekigambo kya Katonda mu mutima gwe. Akiraba nga kirabisibwa mu maaso ge, era emmeeme ye yonna ezingiddwa mu kyo, era ensi n'ebintu byonna bifu okumwetooloola.

Akasengejja k'omuntu alowooza, ak'eddiini; era ndi mukulowooza ku ddiini esengejja kaakati. Awo Akasengejja k'omuntu alowooza we kaweera okulozaako, olaba, kimatiza by'awoomerwa. Alaba nti Yesu Kristo y'omu jjo, leero, era n'emirmbe gyonna. Ky'ekyo. Tumulaba ng'ali mu maaso gaffe, ng'akola ebintu bye bimu bye Yakola; kimatiza omuntu omutukuvu ebyo by'awoomerwa, okulowooza kwe.

Akimanyi nti, kaakati awo ayise okuva mu kufa okudda eri Obulamu. Era ayagala, era-era-era akyagala eri ensi... okukakasibwa, era ayagala Ekigambo kikakasibwe era kyolesebwe. Mu buli mu mulembe akirindirira, kubanga ye muntu mutukuvu era alina okuyaayaana okulaba Katonda. Abalala baagala bwagazi kwegatta ku kkanisa. Omuntu ono ayagala kulaba Katonda. tamulabira mu ntuumu ya biyiye. Tamulabira mu mulere omulungi omunene, oba ekkanisa zi lutikko, era n'emisaalaba eminene, oba abayivu abagezi ennyo abasiba ebitoji. Tamulaba mu magezi ga ddiini era ne mu bakugu m magezi g'eddiini. Amulabira mu kukakasa kw'Ekigambo Kye.

Mmulabira mu muliro ogwaaka.

Amaaso gange galabye

ekitiibwa ky'okujja kwa Mukama;

Ali mu kutambulira eyo emizabibu

gy'obusungu gye gyaterekebwa;

Asumuluudde akamyaanso ak'ebiro n'ekitala kye ekyangu ennyo;

Amazima Ge gasigala gakumba. (kijja, okutuusa ku nkomerero. Yee, ssebo.)

59 Olaba kyentegeeza? Akasengejja, omusajja...oba, Akasengejja k'omuntu alowooza; omuntu ayagala okuyimirira mu Kubeerawo kwa Katonda. kiki ekyali Kasengejja ka Katonda? Kigambo kye. "Olunaku lwe muli gulyaako, olunaku olwo lwe mulifa." Sifaayo kiki kigenda mu maaso wabweru eyo; toyita ku Kigambo. "Banaazibwa n'amazzi g'Ekigambo." Akasengejja k'omuntu alowooza. Si kibiina kya ddiini, si kiyiiye, si kkanisa, si kkanisa lutikko; naye Akasengejja k'omuntu alowooza, kubanga ogenda kusaliwa omusango n'Ekigambo. Omuntu alowooza ajja ku kirowooza ekyo. Omuntu omusiru, oba okuwoomerwa kw'ensi, kujja kutwala ekintu kyonna, okudda mu kifo. Lwaki otwaala ekirala okudda mu kifo nga waliwo ekyannamaddala?

60 Lowooza, kirowoozeeko bulowooza okumala eddakiika. Omukazi ayogera mu nnimi, n'okusala enviiri ennyimpi ne langi ku mimwa, era ng'ekkanisa ekya kinywereddeko, nti ekyo bwe bukakafu obw'Omwoyo Omutukuvu.

Oba omubuulizi okuva mu seminaaliyo oba ettendekero lya Baibuli, ng'abakozesa okubatiza mu busatu, oba nga bekkiriranya n'Ekigambo, ku lw'ekiyiiye kyonna oba ekibiina ky'eddiini. Ekyo ke Kasengejja k'omuntu alowooza? Si mu ngeri gye nkirabamu, ow'oluganda. Omusajja omusiru y'afuna okuyita mw'ekyo. Ekyo kituufu. Oyinza okukiteebereza ekyo? Mu kifo ky'okukozesa Ekigambo kya Katonda ng'Akasengejja k'emmeeme ye; okuleka ekiyiiye ekyo ekikadde oba ekibiina ky'eddiini nga bimwekuunjaanyirizzaako waggulu we bwatyo, mu kifo ky'okutwala Ekigambo kya Katonda okubeera nga ke Kasengejja. Era awo nga yenna ayonoonese, era n'abaleka ne bamuteekamu enjigiriza z'abantu, okukola ebantu, "kyenkana n'okulimba Omulonde yennyini," era ne bagalabanja Ekigambo.

Awo, asobola okusika eri emmeeme ye, bwe waba nga waliwo ekintu kyonna eky'okukozesa okusika. Naye singa ensigo eyo eyateekerwateekerwa... Kino tokisubwa. Bweleka nga ensigo eyo eyateekerwateekerwa teriimu munda, eba tejja kufuna kuva eyo, kubanga yo ejja kufuna kuva mu kuyaayaana kwaayo.

61 Bw'aba ng'omuntu afuuweeta ayagala okufuna obuwoomi bw'omuntu afuuweta taaba, era singa akwata ku munwe... njamba nti, "Nuuna olugalo Iwo," era n'ayimirira awo n'anuuna olugalo Iwe. [ow'oluganda Branham anuuna ku lugalo Iwe, okubalaga eky'okukola -Muk.]

Lwaki, aba ajja kugamba nti, "Ekyo kya busiru." Lwaki? Ye ky'awoomerwa ky'ekirungo ekitamiiza ekya *nicotine*. N'olwekyo oyo si muntu alowooza. Okiraba? Naye ogamba nti, "Kale, Sirina kyenzijja kulegako. Nze njagala kulegaga ku...njagala kulega ku taaba. Sirina kintu kirala kyendegako."

Muwe Peege ekwata engoye era omuleke aginuuneko. Okiraba? Mazima, muleke anuune ku yo. Ajja kugamba nti, "Sirina kyempoomerwa." Kiki kyowoomerwa mu kugiuuna? Kaakati awo? Olina okuyaayaana okuwoomerwa ekirungo ekitamiiza ekya *nicotine*.

Era bw'oba nga onuuna ku biyiiye by'ekkanisa, ng'era abakazi bamwe bakyasala enviiri ennyimpi, biebbiyula mu maaso, era nga bambala n'obugoye obwe kikkaba; ate abasajja bammwe ne babatunuulira, era n'ebantu bino byonna ebirala, era ne mwejeeguula nga bwe mukola. Ky'ekiki ekyo? Kiki ekiri munda eyo? Ensi ekyali munda omwo, era olina by'owoomerwa. Oli mukwesikaasikanya gy'eri olw'obuwoomi

62 "Nnagendako mu kkanisa *eno*; ekintu ekyo tebakyogerangako. Tebalina kye bakyogerako *kino*. Ku ekyo tewali. Tewali ku bintu bino kiggyibwayo. Omubuulizi waffe alowoleza wala nnyo okusinga oyo. Ffe tetwogera ku bintu ng'ebyo." Kye kiki? Olina obuwoomi bw'ensi gy'onuuna. Kituufu!

Naye omukazi oyo alowooza tajja kutwala kintu kya kika ekyo. Akimanyi nti alina okubeera omutukuvu. Era ekintu kyokka kyoyinza okufuna okuyita mu Kigambo kya Katonda gwe Mwoyo, ge Maanyi ago agawa obulamu okukola Ekigambo kyenyinni, ekyo ekiri mu ggwe, okubeera ekiramu okulabiswa Yesu Kristo mu mulembe gw'olimu. Aleruuya! Ow'oluganda, bwe kiba nga ekyo si ge Mazima, simanyi amazima ge galiwa. Mba ntabye omutwe ekyo bwe kiba nga si ge Mazima.

Ky'Ekigambo kyenyini mu mutima gwo nga kyateekerwateekerwa okubeerayo, kye kifuna. Era ne kiwandula ensi wabweru; tekijaagala. Naye bwe kituuka wano mu Kigambo, kitandika okufuna era bwe kitandika okufuna okuyita mu Kigambo, tekiyinza kubeera kintu kirala kyonna okuggyako Omwoyo Omutukuvu okuwa Ekigambo obulamu.

63 Kaakati awo Akasengejja k'omuntu munnaddiini alowooza ky'Ekigambo, era kimatiza obwo obuwoomi obutukuvu obuli mu mutima gwe; Akasengejja k'omuntu alowooza, ebiwoomera omusajja omutukuvu. Oh, abaffe, kiki *kino* kyetulimu!

Mu kifo ky'okukozesa Akasengejja ka Katonda ku lw'emmeeme ye, aleka Setaani amulimbe ng'akozesa ekibiina ekimu oba ebiyiiye, kyennyini ng'amakampuni ga Taaba bwe gabalimba bantu mmwe abafuweeta sigala. Mwe mweyongera kufuna bammemba balala, era ky'ekyo kyokka.

Oh, leka nzingalewo mu ddakiika ntono, nga njogera *kino*.

64 Lawodikiya enzibe ya maaso! Tusobola kubeera bazibe ba maaso kutuusa wa! Lawodikiya enzibe ya maaso, ekulembeera abazibe b'omulembe guno, mu kwefuula okw'obulimba, wansi w'ebiyiiye eby'obulimba, wansi w'ebigunjje eby'obulimba, wansi w'ebibiina by'amadiini ag'obulimba, wansi w'obutabo bw'ebiyiiye obw'obulimba. Oh, Lawodikiya enzibe ya maaso, ekulembeerwa abazibe b'amaaso, mmwenna mwolekedde kinnya!

Kyuusa akasengejja ko olwa leero, mubuulizi. Toyiniza bitamiiza bya *nicotine* eby'ebibiina by'eddiini mu nkola zo, ez'ebigunjje era n'ebiyiiye, ebyo Yesu bye yagamba nti, "Oyo yenna anaagattako Ekigambo n'ekimu oba okukiggyako Ekigambo ekimu." Gwe bw'ogamba ekibiina kyo nti kituufu abakazi abo okukola ekyo, era n'abasajja abo okukola ekyo, era na bino ebantu byonna, *kino* na *kiri*; kasita basigala nga baamazima eri *kino* na *kiri*, era ne bakuma ebiyiiye bino n'ebantu, gwe toswaala?

"Abafalisaayo abazibe b'amaaso," Yesu bwe yagamba.

65 Era nga Yesu bwe yayogera, "Abafalisaayo abazibe b'amaaso," Omwoyo Omutukuvu mu mutima gwange gwennyini olwa leero akaaba, "Lawodikiya enzibe y'amaaso! Katonda mirundi emeka gy'akuwadde okudda obuggyga! Naye kaakati ekiseera kyo kituuse; kiri kikeerezi nnyo kaakati. Nga waseka era ne n'ojerega abantu Katonda beyakutumira! Naye kaakati ekiseera kyo kituuse. Oh, Amerika, Amerika, nga Katonda akumaamidde ng'enkoko bw'emaamira obwana bwayo, naye n'ogaana." Kaakati eddoboozi lino ligenda lubalama ku lubalama, okuva mu mambuka okutuusa mu maserengeta, okuva ebuvanjuba okutuusa ebugwanjuba. Nga Katonda yandikumaamidde, naye tewasobola! Kaakati ekiseera kiweddeko.

Amawanga gamenyeka. Ensi eri mu kusasika. Mayiro lukumi mu bitaano ez'ettaka, obugazi bwa mayiro enkumi ssatu oba enkumi nnya, zija kubbira, kikumi...oba oli awo, mayiro ana okukkirira wansi mu luwonko olw'amaanyi wabweru eyo, olumu ku zino ennaku, era n'amayengo gajja kukubira ddala essaza lya Kentucky. Era bwe kinaabeerawo, kijja kunyanya nnyo ensi nti buli kintu kyonna ekiri waggulu waayo kijja kuggwa wansi.

Oh, nkweka mu Lwazi olw'edda n'edda! Katonda, kkiriza, nzikiriza. Nzisizaako omukka Gwo, Mukama. Omwoyo wa Katonda omulamu, nzisizaako omukka Gwo. Leka ntiale Akasengejja ka Katonda era mbeere wansi waako, Mukama. Leka nzise empewo ensu ey'Omwoyo Wo Omutukuvu mu mawuggwe gange, mu mmeeme yange buli lunaku, nneme okukwonoona Ggwe, Ai Mukama. Nzisizaako Omwoyo Omutukuvu, nzisizaako! Nze...

66 Leka nsimbe Ekigambo kya Katonda mu mutima gwange, era nsalewo nti sijja kukyuuka kudda ku mukono ogwa kkono oba ogwa ddyo, okukuvaako, naye nja kubeera wa mazima gye kiri ennaku zonna ez'obulamu bwange. Ai Kitange Katonda, Awo mpeereza Omwoyo Omutukuvu ow'obulamu, okulamus Ebigambo ebyo gyendi nti nsobole okwolesa Yesu Kristo mu maaso g'abo abandi mu maaso, nkinoonya kibeerewo. Eyo y'essaala yange.

Oh, abaffe! Weetegereze engeri gye bakikolamu olwa leero mu makanisa. Nga bayonka abantu okuyita mu busengejja bw'ebibiina by'amadiini ebyo, okutuusa mu kakiiko akagatta enzikiriza zonna. Lwaki? Kubanga kibawa okuyaayaana kw'emitima gyabwe, ekibiina. Balina okwagala eri ekibiina. Bajja ku kikola.

Buli mulundi Katonda weyabatumira okudda obugya, era, ne ba, kiki kye baakola? Bakikolamu ekibiina. Ekyo kituufu? N'olwekyo balina ekika ky'akasengejja kaabwe, kubanga balina okuwoomerwa okw'amaanyi. Era kaakati Katonda agenda kubawa okuyaayaana kwabwe okw'ebyo bye bawoomerwa. Agenda kubawa...bali mu kubayooka okubayingiza mu kakiiko akagatta enzikiriza zonna, era kaakati awo bafune ekyo kye bawoomerwa mu bibiina byabwe. Kiri mu kujja.

67 Oh, kkanisa ya Lawodikiya, tolimbibwa mu mulembe guno, n'obulimba bwabwe. Oh, Pentekooti, mwe abagenze mu Lawodikiya, muli kitundu kya Lawodikiya, ekkanisa enfu; okuyita mu ba Mesodisiti, Ababaputisiti, era n'aba Pulesibataliya, nkola ya mikolo gy'eddiini. Naye mmwe aba Pentekooti abakyasobola mu kaseera kano okugambako olw'olumu nti, "Amiina"; abasobola okuzannya ennyimba ennyingi waggulu ku kituuti, era ne babeera n'abakazi abasaze enviiri ennyimpi nga bazina okwetoolola ekifo kyonna, era ne basigala nga bakkiririza mu kuwonyezebwa okw'obwa Katonda; mirundi emeka Katonda gye yandibatutte, naye mmwe ne mutwala akasengejja akalala, akasengejja k'ebibiina by'amadiini. Mirundi emeka Katonda gye yandibatutte!

Nga kyali kya bulimba! Mataayo 24:24, Yesu yagamba nti, "Bajja kulimba n'abalonda singa kyaali kisoboka." Nga muli kumpi nnyo, nga Kaawa, okulekayo ekintu kimu oba bibiri ekitono by'otosobola kukkanira, kubanga weekolamu ekibiina era tosobola kukikkiriza. Ekyo kyokka kye kitwala. Nga bwe kisoboka okutwala ekintu kyonna, "Kubanga n'okujeemerako erisembayo obutono, osalibwa omusango ku lwa gonna." Oh!

68 Pentekooti, Pentekooti, oyise okulowooza kwo mu Kasengejja ka Katonda, si mu birooto byammwe eby'ebibiina by'amadiini, era mujja kufulumamu n'ebiwoomera omusajja omutukuvu, okubatizibwa okw'amazima n'Omwoyo Omutukuvu.

Osobola okukiteebereza omusajja okuleka mukazi we n'asalako enviiri ze, n'ayambala empale z'ebinu, oba empale empanvu, era n'agamba nti ava mu Kasengejja k'omuntu alowooza? Osobola okukiteebereza omuntu okukola ekintu ng'ekyo?

Osobola okukiteebereza omubuuilizi ayimiridde ku kituuti, kubanga ekibiina ki musasula bulungi era n'okumukuba mu mugongo, bamuyita, "Dokita, Ow'oluganda, Levirandi," era ne bamutwala na kubuli kika kya bubaga eyo gye banaabira nga beetabuddetabudde abakazi n'abasajja, era n'ebirala byonna, ku ma biiki; oyinza okukiteebereza nti omusajja eyeyita okuba nga yayita mu Kasengejja k'omuntu alowowooza?

Era n'abamu ku abo abakazi ku bituuti, n'ebiteeteeyi byabwe waggulu w'amaviivi, era nga bibakutte

nnyo era nga biraga enkula yaabwe yonna, buli ngeri gye batambulamu, era n'obugoye bwabwe obw'omunda nga bulabika okuyita mu biteeteeyi byabwe; nga kibi nnyo ng'okwambala empale z'ebinu, obupale obw'omunda, oba ekintu ekirala kyonna. Mmwe aba Pentekooti, Ababuulizi ba Lawodikiya abazibe b'amaaso. Katonda anaabagumiikiriza kyenkana wa, simanyi. Kuba...Katonda abeere wa kisa eri amaaso gammwe amazibe. Alina olwa leero akadagala k'oku maaso, okubikkula amaaso gammwe, nti musobole okulaba.

69 Nga bwe nnayogedde amakya ga leero, tuli mu mulembe ogw'okulaba, waggulu. Tewali bitundu birala waggulu w'ekyo, nti osobola okutambula ku ngulu, okumanya. Okuva ku nnyindoyo, osobola okuwunyiriza; okuva ku mimwa gyo, osobola okwogera; okuva ku mikono gyo, osobola okuwulira era n'okukwata wamu; era n'ebigere byo, era n'ebirala byonna; naye tosobola kugenda kusukkuluma maaso go.

Malaki 4 azze; okulaba! "era kijja kubeera Kitangaala mu kiseera eky'akawungeezi." Oh, tambulira mu Kitangaala!

Tujja kutambulira mu ,
 Omusana omulungi,
 Ogwo ogujja awo oluwandaggirize
 Iw'ekisa we lumasamasa;
 Yakka okuneetooloola
 emisana n'ekiro,
 Yesu, Ekigambo,
 Omusana gw'ensi.

Yee, ssebo. Kiyitemu, Oh, ow'oluganda, era ojja kukivaamu n'okuwoomerwa kw'omusajja omutukuvu, n'Omwoyo Omutukuvu.

70 Oh, mukazi, gwe yisa buyisa endowoozayo ey'ennyambala ey'omulembe. Yisa endowooza yo ey'omulembe, nga tonnaba kugenda wabweru ku nguudo mu maaso g'omusajja; mmwe abawala abato, mmwe abakazi abakulu, nga temunnaba kugenda wabweru ku luguudo n'engoye ezikukutte ennyo, ngozinywezezza emabega ne mu maaso. Siri mukukolokota nze ndi muganda wammwe. Nyimirira wakati w'abalamu era n'abafu, era okizuule kye njogera. Nga tonnaba kufuluna wabweru, era okimanye nti omubiri gwo mutukuvu, ogwo Katonda gw'akuwadde; nga tonnaba kuyingira mu luguudo, ng'oyambadde bw'otyo, sooka oyise endowooza yo okuyita mu Kasengejja k'omukazi alowooza. Era leka ojjukire, nti, "Buli muntu akutunuulira gwe okukwakirako, obeera omaze okukola naye obwenzi." Jjukira ekkyo, mwannyinaze.

Era, ow'oluganda, nga tonnaba kukyuusa mutwe gwo omutunuulire, ku mulundi ogw'okubiri, yisa endowooza yo mu Kasengejja k'omusajja alowooza. Ojja kuvaayo n'okuwoomerwa kw'omusajja omutukuvu, okiraba, ku Iw'okukola ekituufu.

71 Weetegereze, singa oyisa ebirowoozo byo mu Kasengejja k'omukazi alowooza, ojja kuvaayo n'okuwoomerwa kw'ennyambala ey'omukazi omutukuvu. Ekyo kituufu. Ojja kuvaayo, ow'oluganda, n'enfanaana y'omusajja omutukuvu. Kaakati, ekkyo kintu kimu kyokka.

Buli kintu kyonna ky'okola, kiyise mu Kasengejja k'Ekgambo kya Katonda, olabe oba kituufu oba kikyaamu.

Ojja kuvaayo n'enyambala y'omukazi omutukuvu, n'enviri empanvu, ng'oyambadde bulungi; n'omwoyo omuwombeefu; omusirifu. Si kwewanika era n'okukayaana, n'okulwana era n'okweyisa bw'otyo. "Musirifu, n'omwoyo omuwombeefu, nga kyamuwendo nnyo okuva eri Katonda." Baibuli bw'ekyogera bw'etyo.

Kaakati, njagala kubaako ne kyembabuuza, wabweru yonna eyo. Tugenda kuggalawo mu ddakiika ntono.

72 Kaakati leka fenna, olwa leero, tukebere okuyaayaana kwaffe, era kaakati olabe ekika ky'akasengejja ki ky'obadde oyitamu. Leka tukebere, buli omu kuffe, wano era ne wabweru eyo mu ggwanga. Kebera by'oyaayaanira, by'oyagalira ddala mu bulamu. Kebera by'olwanirira. Kebera eky'akuleese wano. Kebera ekikutwala mu kkanisa. Kiki ekikukola...kirungi okugenda mu kkanisa, naye togenda mu kkanisa kyokka; ekkyo tekijja kukulokola. Okiraba? Ggwe weekebere okumala eddakiika ntono, gamba, "Ebigendererwa byange...nzijja mu Kasengejja kika ki, mu ngeri yonna?"

Era bw'oba tokwatagana na kigambo kya Katonda, era nga emmeeme yo tekikola, kaakati awo

waliwo ekintu ekikyaamu; kubanga ekyo kiraga by'owoomerwa, nti obulamu...buli kikaaki obukulimu. Bwe buba nga butukuvu, bwa kyaama, bwa kitibwa, bujja kuvaayo bwe butyo. Bwe buba nga sibwe buli, olina by'owoomerwa mu ggwe by'oggyamu. Ekyo kituufu mu mazima.

Era singa by'owoomerwa ky'Ekigamba kya Katonda era ne Katonda by'ayagala, kati awo omanyi ekikulimu, kiki ky'oggyamu by'owoomerwa. Kiraga nti oli kitundu ku Kigambo ekyo. Ekigambo ekyo kiri mu ggwe, ofuna okuva ku Kigambo.

73 Kiki kye kifuna? Kifuna okuyita mu Kigambo, kubanga gwe oli kitundu ku mubiri gwa Kristo eky'omulembe guno. Era singa Ekigambo ekyo kiri mu ggwe, kisobola kufuna kuva mu Kigambo, Omwoyo alamusia Ekigambo ekyo ekiri mu ggwe. Ekigambo kyokka tekisobola kubeera kiramu. Eyo y'ensonga, "Abo bona taata b'ampadde bajja kujja gyendi; era bwe nnaayimusibwa waggulu, nja kuwalula bangi gyendi." Okiraba? Okiraba, "Taata," ekitundu eky'omubiri gwa Kristo ekiri munsi, ekyateekerwateekerwa, ne kitekeebwa mu mutima.

Omusajja yenna nga Mukristaayo wa nnamaddala, azaaliddwa nate olwa leero, akimanyi, okuva ng'akyaali mwana muto, oba muwala muto, mu ngeri yonna, nti waliwo ekintu mu ggwe eky'alumwanga enjala ku Iwa Katonda. era nga wageezako okwegatta ku makanisa era n'ebirala byonna; nga tebikola. Kyali kiki? Kyali Kigambo ekyo. Wali oyigga Kasengejja. Era olunaku lumu kyakumyansinza mu maaso go; walaba Yesu Kristo nga y'omu jjo, leero era n'emirembe gyonna. Ekyo kyamatiza by'owoomerwa. Okiraba?

Kubanga, obulamu bwali mu ggwe, nga buyita. Okiraba, obulamu obuli mu ggwe nga bufuna. Nga kikugamba okuyaayaana ki kw'olina wano. Oli mukusika. Tosobola kusika kuyita mu *kino*, era n'ekyo, era ne mu *kiri*. Olina okuzuula ako Akasengejja akatuufu, kubanga oli muntu alowooza. Okiraba?

Bw'oba ng'oli muntu alowooza, wateekerwateekerwa, oba wa sengejjebwa okuva nga n'emisingi gy'ensi teginnabeerawo.

74 Era omuwereeza w'ebibiina by'amadiini awulira *kino*, nsuubira ajja kutwala Akasengejja k'omuntu alowooza, bw'aba nga muweereza w'ekibiina ky'eddiini. Kaakati awo ajja kukasuka wansi ekyo ekitereke ky'eddiini akireke kisaanewo, kubanga ekyo kigambo kya muntu; era akkirize Ekigambo kya Katonda ekyasengejjebwaa ekitasobola kulemererwa oba okuggwaawo, era kijja kuja mu biwoomera omusajja omutukuvu. Era nga Yakobo, ajja ku ssaddaaka ensi yonna, era na buli kwagala okwa buli kibiina kya ddiini oba ettutumu, eriri mu nsi, eyo gy'osobola okubeera bisopu, Kalidinaali, oba osobola okubeera omukulu w'abapulesibataliya ow'eggwanga, oba omusumba ow'ekkanisa emu ey'amaanyi. Ojja ku ssaddaka buli kintu kyonna ekiriyo. Ssi nga Esawo, okufuuka ekitundu ku nsi; naye nga Yakobo, ojja kuwaayo byonna by'olina okufuna obusika, Akasengejja ak'omuntu alowooza; kubanga kajja kukuwa ekiwoomera omuntu omutukuvu. Era kijja kukumatiza. Era kijja kubeera kumatizibwa, era kijja kukunaaza n'obuwoomu obwo Obutaggwaawo obw'obutukuvu n'obulungi bwa Katonda.

75 Jjukira, Setaani yakuba ekituli ekyasooka okuyita mu ndowooza ya Kaawa, ebirowooze bye, okuleka okulozaako ku magezi ga setaani era n'okumanya biyitemu.

Kaakati lowooza *kino*. Nzigalawo. Setaani yakuba ekituli ekyasooka okuyita mu Kaawa, kubanga kyonna kye yali afuna kyali Kigambo. Ekyo kyali Mwoyo okuyita mu Kigambo kya Katonda, kubanga yagamba nti, "Gwe kasita ossa okuyita mu Kasengejja kano, tolifa; naye gwe twaala ku mukka oguva *wano*, ojja kufa." Okiraba?

Era Setaani n'agamba nti, "Naye tolina ky'omanyi *wano*. Naye ggwe legako katono ku *kino wano*, era awo ojja kumanya; ojja kubeera nga Katonda. Okiraba, amanyi ekikyamu era n'ekituufu; Era singa olegako katono butono ku *kino*." Era n'amuleka n'akikubamu ekituli. Akatuli kamu kokka akatono.

Kaakati mulaba Iwaki njamba... .mugamba nti, "Lwaki toyigiriza abakazi, era n'ebirala, engeri y'okufunamu ebirabo era n'ebintu ng'ebyo?"

Ne njamba nti, "Oyinza otya okubayigiriza okubala nga tebayiga na ABC' zaabwe?"

Kyatwala akatuli kamu kokka akatono. Yatwala amagezi g'ensi, era bwe yakikola, ne kireeta okufa eri famire yonna, okwagala okulega ku magezi.

76 Kaakati tunuulira Akasengejja, era ddala kaalaga kiki Kaawa kye yawoomerwa. Okuwoomerwa kwe kwali kwa nsi; ekyo kyalina. Ekyo bwe kiri olwa leero. Baagala ensi n'ebintu by'ensi, ne kifaananyi ky'obwa Katonda, naye nga begaana amaanyi agakirimu. Okiraba, Setaani ajja kubaleka okwogera mu nnimi; ajja baleka balekaane; ajja baleka babeere ne nkunjajaana z'okuwonyezebwa; ajja kubaleka bakole ebintu byonna eby'ekika nga *kino*.

Agamba nti, "bangi bajja kujja gyendi ku lunaku olwo, era, 'Mukama, ssaagoba emizimu, ssaakola ebintu bingi, ssaakola *kino*?" Ajja kugamba, "ssakumanya na kukumanya, omukozi w'obujeemu."

Ekigambo bwe kyateekebwa mu maaso go era ggwe n'osigala ng'okyayonka ako akasengejja akakadde ak'ensi, okiraba, kiraga okuwoomerwa okwali mu mutima.

77 Amayiba tegasobola kulya nnyama nvundu. Tegasobola kugirya. Tegalina kalulwe. Nnamuŋŋoona esobola okulya ensigo ng'ejjuba era esobola okulya ennyama envundu nga yo nnamuŋŋoona, okiraba, kubanga yo nnanfuusi. Naye ejjuba telyazimbibwa nga ekinyonyi ekirala kyonna, era y'ensonga Iwaki Katonda Yeeyolesa nga ejjuba erikka okuva mu Ggulu. Okiraba? Terisobola-terisobola kugumiinkiriza lusu Iwa nnyama nvundu. Si nsega; ye nsong, Iwaki teririna kalulwe konna. Terisobola kugigonza. Esobola okulitta, singa ebeera egiridde.

Era ejjuba teryetaaga kunaaba. Omubiri gw'ejjuba gufulumya amafuta okuva munda, ekyo kirikuuma nga liyonjo.bwe bulamu obuli mu jjuba; munda mulyo ly'ekolera amafuta agakuuma ebyooya nga biyonjo. Era n'Omukristaayo bw'atyo; waliwo obulamu munda mu bo obubakuma nga bayonjo. Busengejeddwa.

Oh, weetegereze! Kaakati tunuulira akasengejja, era mazima osobola okulaba mu ebiwooma, eby'ebyo bye bakola olwa leero.

78 Tunuulira ekkansa eno ey'omulembe guno. Tunuulira akasengejja kaabwe. Osobola okulaba bye baagala. Okulaba bye balina. Okwagala, biki bye baagala? Mukalya Lawodikiya oyo ayolekedde eri omusango gwa Katonda. ekyo kituufu. Okwagala, okwagala kw'ekkanisa eya leero kwa Lawodikiya, ekibiina eky'amaanyi, enkola eteekeddwaawo ey'amaanyi, ekintu eky'amaanyi eky'ettutumu, abantu abambala obulungi, abajjudde obuwangwa, abajjudde amagezi, abajjudde Setaani, abali wansi w'obulimba bw'ekkanisa ya Kristo. Waliwo ekigambo kimu kyokka ekigwanidde okubeera mu bo, "Balabe ba Kristo." Kubanga, byonna Kristo bye yasomesa, bikontana mu buliwo na buli kintu kyonna; kituufu, kimala bumazi bo okusobola okweyita ekyo.

Kaakati bwe muba nga muli bantu abalowooza olwa leero, wano era ne wabweru eyo mu nsi yonna Obubaka gye bugenda, okuyaayaana kwo kujja kubeera kwa Baibuli by'ewoomerwa, si ebiwoomera ekibiina ky'eddiini, kubanga mujja kusalirwa omusango ne Baibuli yennyini, Ekigambo kye mbasaba okusengejja emmeeme zammwe n'akyo. Era okugaana Ekigambo ekimu kyokka, era n'otaleka mmeeme yo okuyita mu ekyo Ekigambo ekimu kyoka, ojja kuyiibwa. "Kubanga omuntu tabeera mulamu, kussa, Iwa mmere yokka, naye olwa buli Kigambo ekiva mu kamwa ka Katonda."

Kijja kuleetebwa mu ggwe, eyateekerwateekerwa. Era Mukama bw'akussizaako, Omwoyo Ggwe gujja kulamusa Ekigambo ekyo kifuuke eky'amazima, era ojja kulaba nti Yesu Kristo y'omu jjo, olwa leero era n'emirembe gyonna. Oh, abaffe!

79 Vva mu bibiina by'amaddini g'ensi, ebitereke by'amaddiini. Leka bisigale nga biri wansi nga akabokisi ka sigala akali mu kibira. Leka bivunde era biggweewo. Ako kasengejja kakyaamu. Era otwale Ekigambo nga ye Kristo, oyo agaba, era asembeza, n'akuuma obuwoomu bw'Obulamu Obutaggwaawo, eri buli muntu ajja okubutwala, Obulamu Obutaggwaawo.

Ekigambo, bw'obeera nga wateekerwateekerwa, okiraba. Tewaliwo ngeri gyebayinza ku kikweka kuva gy'oli. Okitunuulira era n'ogamba nti, "Lwaki, kibikkuliddwa bulungi mu maaso gange! Nsobola okukitunuulira; kiikyo awo. Kyentunuulidde kyennyini. Nkiraba. Kiikino wano, Ekigambo; buli Kigambo, Kigambo ku Kigambo kyokka, nga kiramu." Kaakati awo we wali obuwoomi bw'Obulamu Obutaggwaawo bw'oyagala.

Era bw'ossa okuyita mu ekyo, kiki ekiyinza okuva mu ekyo, Akasengejja ka Katonda? Tewali kirala okuggyako Omwoyo; si nsi, yadde; si butakkiriza, yadde. Kasengejja ka Katonda. Era bw'ossa okuyita mu Ekyo, tewali kintu kiyinza ku kiyitamu Ekyo okuggyako Omwoyo Omutukuvu.

80 Kaakati ofunye obukakafu obw'Omwoyo Omutukuvu, okiraba, ebiwoomera omusajja oba omukazi omutukuvu. Baagala kuba balamu. Balina Obulamu Obutaggwaawo. Era kubanga Ekigambo kino kiramusiddwa mu bo, balamu; Akasengejja k'omuntu alowooza, era ebiwoomera omuntu omutukuvu alowooza.

Totwala nsi, ng'ago amakampuni ga sigala, wansi w'obulimba, naye twala Akasengejja k'omuntu alowooza akaddala. Sengejja omukka gw'ossa, emmere gy'olya, buli kintu kyonna ky'oli; kisse okuyita mu Kigambo kya Katonda, era ojja kubeera n'okuwoomerwa kw'omuntu omutukuvu. Kubanga kijja kuleeta ekyo, kubanga ye y'omu jjo, leero, era n'emirembe gyonna.

Era mmamyi, oba tuli oba tetuli... nzikiriza nti tuli. Naye bwe tuba nga tetuli, waliyo omuntu omu mu nsi olwa leero nga kitundu ku mubiri gwa Kristo; era nga ajja kubeerawo ku Iw'Ekigambo kyokka, buli Kigambo ekiva mu kamwa ka Katonda olw'omulembe guno gwe tubeeramu kaakati.

81 Era siraba wa ebibiina bya'madiini... Ebigambo ebyo biri mu Iwaatu mu Baibuli, egamba nti bijja kubeerawo, era n'ebintu ebinaabeerawo, era wano kaakati bye tulimu byenyinni. Sirina wendaba we kiyinza kubeera walala okuggyako kino.

Ekkanisa, nkitegeera nti olunaku lumu nnina okuyimirira wamu nammwe mu Musango. Kimbeere wala nnyo nze okubagamba ekintu kyonna ekikyamu, ku Iw'ettutumu. Ekyo sikyagala. Singa nnalina okuyaayaana kwange, nga kuyaayaana kwange okw'obuntu, nnandikutte emmundu yange era ne njenda mu kibira ne nneezimbira eyo akayumba, era ne nkola emitego, obulamu bwange bwonna. Nkadiwa, nkooye, nnyenjebuse, era mmenyesemenyese, naye sisobola kuwanika. Waliwo ekintu mu nze, ekimeketa. Zinsaanze singa ssoogera Mazima era Amazima gonna. Zinsaanze bwe ssiyimirira wano okutuusa omukka ogusembayo nga guvudde mu mubiri gwange. Nteekeddwa okuyimirira, si nsonga kiki omuntu yenna ky'ayogera. Nvunaanyizibwa mu maaso ga Katonda.

82 Era nzikiririza ddala nti ebintu bye tubuulira ge Mazima. Si kubanga nti nze mbibuulira. Nedda, muganda wange. Nedda, ssebo. Katonda amanyi omutima gwange. Nga nnandiyagadde okutuula eyo mu kibiina era mpulirize omubuulizi w'enjiri afukiddwaako amafuta ng'a abuulira. Nga kyandimbeeredde kyangu. mazima kubanga mbeera nnina Obulamu Obutaggwaawo mu ngeri yeemu ng'oyo omusajja ali ku kituuti. Ndi kitundu ku kyo mu ngeri yeemu nga naye. Mba nja kugenda mu Ggulu ly'erimu, fune emiganyulo gye gimu. Nga kyandimbeeredde kyangu okutuula awo era ne sibeera na bino ebinuubule byonna, era n'okukubibwa, n'obulamu bwe buti. Nga kyandibadde kyangu, kubanga mbeera ebweru ekiro kyonna awatali kwebaka, essaawa ng'emu n'ekitundu, oba essaawa bbiri; nga mmeggana ekiro kyonna n'ebintu ebivaayo. Nga kyandimbeeredde kyangu nze okukola ekijo, nkuate emmundu yange amakya agaddako, omuggo gwange ogukwata ebyennyanya, era njende nvube oba okuyingga! Nga kyandimbeeredde kyangu! Ow'oluganda, akalulu kagwa ku nze. Leka Mukama annyambe obutavanga mu kifo we nnina okuweerereza, naye nnyimirire nga ndi mwesigwa era wa mazima, era mbaleetere Akasengejja k'omuntu alowooza akanaabawa omuntu omutukuvu by'awoomerwa.

Akasengejja k'omuntu alowooza ge mazzi, amazzi g'okwawula. Kwe kunaazibwa okuva eri ekibi, nga kye Kigambo kya Katonda. era n'omuntu alowooza, omuntu akimanyi nti alina okuyimirira mu maaso ga Katonda, akimanyi nti alina okwanukula ku Iwa buli Kigambo kya Baibuli, kijja kumatiza ebyo by'owoomerwa ebiri mu mutima gwo. Leka Katonda atuyambe okukifuna, nga bwe tukoteka emitwe gyaffe.

83 Ow'omukwano Katonda, essaawa endala oba bbiri ziyiseewo. Essaawa yeetooloodde kaakati. Obubaka kaakati bugenze mu byafaayo, buterekeddwa mu bitabo. Fenna nno tulina okwanukula ku Iwakino, okutambula kwonna kwe tukoze, buli kigambo kye twogedde, buli kirowoozo ekiyise mu bwongo bwafe, akatambi akakwata ka kyatambuula. Era kajja kuzannya okutuusa obulamu nga buwedde, era awo twanukule ku Lunaku Iw'Omusango.

Ai Katonda, omutonzi Ow'amaanyi ow'Eggulu n'ensi, Ggwe gwe tukkiriza, nsabira abantu bano ab'olunaku luno. Nange nneesabira wamu nabo, nti Mukama Yesu, okwate Akasengejja Ko. Era bwemba nga njogedde ekintu kyonna ekivoola, Mukama, nze...mu mutima gwange sikitmanyi. Nsaba nti bwe kiba nga kikyamu nze okutwala Ekigambo kyo era ne nkozesha ekintu ng'ekyo, Ggwe onsonyiwe.

84 Naye, Mukama, nnalowooza nti bwe wayogera nange eyo mu kibira, omanyi obudde kumakya, ssaasobola kukiggya mu bwongo bwange. Nnakikkiriza nga ekivudde gy'oli. N'olwekyo, Taata Katonda, mazze okukyogera. Era nsaba, Katonda nti kibeere mu ngeri gye nnakirowoozaamu okubeera, nti omuntu alowooza, omuntu bw'abanga alina okulowooza kwonna, ajja kukimanya nti alina okuyimirira mu kubeerawo kwa Katonda, era tajja kuyingiza mu mmeeme ye kintu kyonna ekinaamwonoona obo ekikontana n'Ekigambo.

Era Taata, tukitegeera nti, nga bwe nnakigeraagerannyiza na bino ebibiina by'amadiini ebya leero; si kubeera wa njawulo, Mukama. Lumu Ojja kunsalira omusango, okuva mu mutima gwange. Era nsaba, Katonda, nti ojja kulaba nti tekyali kya kubeera wanjawulo, naye kyaali ku kubeera wa mazima, okugezaako okubeera abeesimbu, nga nkimanyi nti nze nnina ekijo kye Wagula n'Omusaayi Gwo, okuva ku lubalama okutuuka ku lubalama, ku ssaawa eno, mu mukono gwange. Era bangi ku bo bakkiriza amawulire.

Era, Katonda ow'omu Ggulu, leka waleme kuberawo yadde n'omu abula. Mbabanja, buli omu, era nkutte mu maaso gaabwe Akasengejja okuva eri ekibi, amazzi ag'okwawula, Omusaayi ogwa Yesu Kristo, Ekigambo ekifuuse omubiri. Kituwe, Mukama. Era leka Omwoyo Omutukuvu afuke okuyita mu buli kisubizo, okutuuka mu mmeeme zaffe. Era leka tubeere abakiise abalamu ab'Omugole wa Yesu Kristo, mu biro eby'amaaso, ag'okulaba mu kaseera ak'Ekitangala eky'akawungeezi, era tukireeta gy'oli mu Linnya erya Yesu Kristo. Amiina.

85 Mu mwagala? [ekibiina ne kigamba nti, "Amiina." -Muk.] mu kikkiriza? ["Amiina."] bwemba nga njogedde ekintu kyonna ekikyaamu, okuyita mu kugamba nti, "Akasengejja k'omuntu alowooza," sikyasobola kwogera nate. Ssaasoma. Nnina kwogera ekijo ekija gyendi. Era bwe nnalabye nga ekijo kigalamidde awo, nnalowoozeza, "Nga kyabunnanfuusi!"

Era ekintu ekimu ne kinjamba nti, "Kye kimu ng'Ekkanisa."

Akasengejja k'omuntu alowooza! Oh, abaffe! Waliwo kingi ekisinga ku ekyo ekikiriko. Omuntu alowooza tasobola ku kikozesa yadde. Okiraba? Mazima nedda. Era kyetaagisa ekiwoomera omuntu afuuweeta, ekyo kituufu, kubanga alina okubeera na kyo okusobola okumatiza by'awoomerwa. Naye omuntu owannamaddala, alowooza akimanyi nti emmeeme ye egenda mu Musango, ajja kusengejja by'awoomerwa okuyita mu Kigambo kya Katonda. "Kubanga bona kitange bampadde bajja kujja gyendi." Era ajja kubeerawo na buli Kigambo ekiva mu kamwa ka Katonda, nga ge mazzi ag'okwawula agatwawula okuva ku kibi. Kubanga, bwe kijja okuyita mu Kigambo, tukiraba nti kibi obutakikkiriza, n'olwekyo tukikkiriza era ne tweyongerayo. Ekyo kwawula okuva mu kibi. Mu Mwagala? [ekibiina ne kigamba nti, "Amiina."-Muk.]

Mwagala, mwagala...

Leka kaakati tuwanike emikono gyaffe gy'Ali.

Kubanga Ye yasooka okunjagala

Era N'angulira obulokozi bwange

Ku muti e Kaluvaaliyo.

86 Kiki kye Yagamba? "Mu kino abantu bona kwe banaategeera nti muli bayigirizwa bange, bwe mwagala, nga mwagalana." Kaakati leka tusikagane mu mikono nga bwe tukiyimba nate, nga tugamba nti,

"Nkwagala, naawe, ow'oluganda."

Mwagala, Nze...(kino kya kubategeeza nti...)

... Ye yasooka okunjagala

Era N'angulira obulokozi bwange

Ku muti e Kaluvaaliyo.

87 Kaakati oyagala Akasengejja k'omuntu alowooza? [ekibiina ne kigamba nti, "Amiina."-Muk.] bwe munaagenda ku nguudo okusikagana emikono n'ensi olw'enkyo, ow'oluganda, mwannyinaze, ofunye Akasengejja k'omuntu alowooza? Omusajja oyo bw'akuyita mutukuvu yeevulunga, okozesa Akasengejja k'omuntu alowooza? Omuntu yenna oyo bw'akwogerako ekintu ekibi, olina Akasengejja k'omuntu alowooza? Okiraba, kola obulungi ku lw'obubi. Sabira abo abakukozesa obubi, era n'abo abakuyigganya, kaakati awo osizza mu Kasengejja k'omuntu alowooza.

88 Kubanga bw'oyagala abo bokka abakwagala, nga bwe tusikagana mu mikono gya bannaffe, nga abaagalwa ennyo mu Mukama, ekyo kirungi, naye osobola okwagala abatayagalika? Ako ke Kasengejja k'omuntu alowooza. Oyo y'Omwoyo wa Kristo ali mu ggwe, ng'oyagala abo abatakwagala, Awo olina empeera ya Katonda. Naye, ate kaakati, bw'okikola okutuusa omukolo, era tonnaba kufuna muntu alowooza... oba oli waggulu ku ddala ery' kubiri. Naye kiva mu mutima gwo ng'omwagalira ddala, olwo nno ossiza okuyita mu Kasengejja k'omuntu alowooza. Era kimatiza okuwoomerwa kw'omuntu omutukuvu, ng'omanyi nti okuva mu mutima gwo osonyiwa buli muntu, ekintu kyonna, sinsonga kiki ekyaliwo. Si wakitalo Ye?

...yasooka okwagala nze

Era N'angulira obulokozi bwange

Ku muti e Kaluvaaliyo.

Tujja kutambulira mu Musana,

Omusana omulungi,

Ogujja awo empandaggirize

ez'ekisa we zimasamasa,

Nga zaakayakana okutwetooloola emisana n'ekiro,

Yesu, Omusana gw'ensi.

Tujja kutambulira mu Musana,

Omusana guno, Musana mulungi;

Era gujja awo amatondo agasengejjeddwa ag'ekisa we ga masamaasa;

Oh, yaka okutwetooloola emisana era n'ekiro,
 Yesu, Omusana gw'ensi.
 Mujje, mmwe mwenna, abatukuvu b'Omusana, mulangirire,
 Yesu, Omusana gw'ensi;
 Kaakati awo ebide by'omu Ggulu bijja kuvuga,
 Yesu, Omusana gw'ensi.
 Mukyagala ekyo? [ekibiina ne kigamba nti, "Amiina." -Muk.]
 Oh, tujja kutambulira mu
 Musana guno,
 Omusana omulungi nnyo;
 Era gujja awo oluwandaggirize olw'ekisa we lumasamasa ennyo;
 Yakaayakana okutwetooloola emisana n'ekiro,
 Oyo ye Yesu, Omusana gw'ensi.
 Ekyo ate nkyagala!
 Okukkiriza kwange kutunuulira eri Ggwe,
 Ggwe Omwana gw'Endiga eye Kaluvaaliyo,
 Ai, Omulokozi wa Katonda;
 Kaakati mpuliriza nga nsaba,
 Twaala ebibi byange byonna. . . (nsengejja, Mukama, okuyita mu Kigambo.)
 Oh, ndekka okuva olunaku luno
 Mbeere wuwo Nzenna!
 Ggwe kirowoozeeko, okusengejebwa okuyita mu Kigambo, "nzenna wuwo."
 Nga tambambulira mu kakunizo k'obulamu ak'ekizikiza.
 Era ennaku nga enneetooloodde,
 Ggwe beera annuŋŋamya;
 Gamba enzikiza okufuuka emisana,
 Ggyawo ennaku n'okutya
 Yadde okundeka okubula
 Okuva ku ludda Lwo!
 [ow'oluganda Branham n'atandika okuwuuna okukkiriza kwange kutunuulira Ggwe -Omuk.]
 Eri omutima gwange oguzirika,
 Ekuyaayaana kwange kuluŋŋamye;
 O leka ekizikiza kifuuke emisana,
 Era Osangule ennaku n'amaziga gange,
 O, ndeka okuva olunaku luno
 Nzenna mbeere wuuwo!

89 Ow'omukwano Katonda, twagala okukuyimbira, kubanga mw'ekyo we twoleseza enneewulira zaffe, ennaku yaffe, ekibiina kyonna, nga bw'otussizako Ekigambo eky'Obulamu. Tuli basanyufu nnyo, Mukama. Era oluyimba olwo, tusembeze, onaatusembeza, Mukama? Okwo kwe kuyaayaana kwaffe, kusengejebwe okuyita mu Kigambo kya Katonda, tambulira buli lunaku mu Musana, Omusana ogw'Enjiri.

Jjuza ekkubo lyange buli lunaku n'okwagala,

Nga bwe tutambula n'ejjiba ery'Eggulu

Leka tugende, wamu n'oluyimba era n'akamwenyumwenyu,

Jjuza ekubo lyaffe buli lunaku n'okwagala

Kituwe, Mukama. Tuwe omukisa fenna kaakati. Leka Ekisa kyo era n'okusaasira kwo bibeere naffe. Wonya abalwadde era n'abanyigirizibwa okwetooloola eggwanga lyonna.

Tukwebaza olw'oluganda Coggins olwa leero, nti Wamulese n'ava mu ddwaaliro, okugenda ewaka ng'ali bulungi. Weebale olw'ebintu byonna by'Okoze, era ne kulw'amaanyi gaffe ge tuwlira nga tuyimusiddwa olwa leero.

90 Tukwebaza olw'Obubaka obwo Iwa leero, Mukama. Ssaakikozze bulungi, naye nsaba, Mukama, nti Ojja ku kitereeza mu maaso g'abantu, basobole okulaba era bategeere kye kyategeezessa. Twala ekitiibwa okuva mw'ekyo, Mukama, era leka tufune okutegeera kuno, bwe wabanga tewali kintu kirala, kye tulina okubeera wo nakyo okuggyako Omugaati ogw'Ekigambo kya Katonda, ogusengejjeddwa okuva eri Katonda ku lw'abaana Be bokka. Kino kibiina ekiyawuliddwa. Si kya mulala yenna. Ky'abo bokka, abalonde Bo, ng'amazzi ag'ente emmyuufu ag'okwawulibwa bwe gaali ag'ekibiina kya Isiraeri kyokka. N'olwekyo, kitaffe, tukimanyi nti Omugaati gwa ndigga zokka.

"Tekigwanidde nze kukwata mmere ya baana era ne ngiwa embwa," Yesu bwe yagamba.

Era omukazi, n'addamu, n'agamba nti, "Kituufu, Mukama, ekyo kituufu, naye nze ndi mumalirivu n'okulya obukunkumuka."

Era tuwlira bwe tutyo, Mukama. Twagala ebyo byonna by'Osobola okutuwa, Kitaffe, kubanga tulumwa enjala era n'enyonata okufuna ekisinga okuva gy'Oli.

Kituwe nti enjala yaffe ekkusibwe era n'okuyaayaana kwaffe kutegeeezbwe, kubanga, Kitaffe, twagala okubeera n'okuyaayaana kw'omuntu omutuukirivu. Era omusajja omutuukirivu ye Yali Yesu Kristo, era n'okuyaayaana Kwe kwali kukola kwagala kwa Kitaawe, nga kye kyaali Ekigambo. Kituwe, taata. Tukisabye mu Linnya lye. Amiina.

Leka tuyimirire kaakati nga bwe tuyimba oluyimba Iwaffe olutusiibula, olwa, *Wetwalire Erinnya lya Yesu.*

91 Wabweru okwetooloola mu bifo kaakati, yonna Obubaka gye bugenze olwa leero, leka Katonda abeere nammwe kaakati nga bwe tubasiibula mu ssaala. Leka buli omu ku mmwe, wabweru eyo, nsuubira munyumiddwa okuwuliriza nga nange bwe nnyumiddwa bwe mbadde nkibaleetera. Era nneesiga nti Katonda ajja kukiteeka mu mitima gyammwe era abawe okuvuunulwa kwakyo okutuufu.

Era mmwe abantu abali wano mu kibiina abalina obutambala obuteereddwa wano, mbutaddeko emikono. Nsaba nti Katonda ajja kubawonya mmwenna, tewajja kubeerawo muntu mulwadde yenna mu masekati gaffe, mulaba engeri Katonda gy'adamu essaala zaffe.

Bwe tukunjaana awamu, "Abantu abayitibwa Erinnya lyange bwe banaakunjaananga awamu era ne basaba, kaakati awo nja kuwlira okuva mu Ggulu." Yasuubiza okukikola.

92 N'olwekyo, tetweyawuddeemu. Tuli muntu omu; ffena tuli omu mu Kristo Yesu. Era buli muntu asabire munne; mmwe munsabire nga nange bwe mbasabira. Era Katonda abawe omukisa okutuusa bwe tunaddamu okubalaba nate.

Era nneesiga nti mujja kubeerawo buli kaseera... mmwe ababeera okumpi wano, mujja kujja ku kkunjaaaniro era mukyale wano ew'omusumba waffe omulungi, ow'oluganda Neville. Ajja ku bakola bulungi, ow'oluganda Mann era n'abantu abalala abalungi abali wano ku kkunjaaaniro.

Bw'oba ng'oli kumpi n'ow'oluganda Junior Jackson oba n'abamu ku abo okwetooloola eggwanga, New York era n'ebifo ebyenjawulo we balina enkjuntaana zaabwe, okwetooloola okuyita mu Arizona ne mu California, mukyalire amakanisa ago bw'oba ng'oli mu bifo ebyo. Era tusaba nti mujja kukomawo nate era omusumba abayambe okumanya ebisingawo ku Mukama waffe Yesu.

93 Katonda abawe omukisa kaakati nga bwe tuyimba

Wetwalire Erinnya lya Yesu.

Ayi omwana ow'ennaku;

Lirina okukuwonya byonna,

[ow'oluganda Branham ayogera n'omuntu omu ku kituuti -Muk.]

Erinnya, lya Yesu (erinnya lya Yesu), nga liwoomu!

(nga liwoomu!)

Essuubi ly'ensi era essanyu ly'Eggulu;

Erinnya lya Yesu, nga liwoomu!

Essuubi ly'ensi era essanyu ly'Eggulu.

94 Nga Ntunuulidde ekibiina olwa leero, ndaba ow'oluganda Estle Beeler emabega eyo, ow'oluganda Palmer, era n'abala bangi, ow'oluganda J. T., era n'abawereza bangi abayimiridde okwetooloola wano, nsobola okuyita amannya gaabwe bona. Kale singa mbadde nsobola okubeera nammwe mwenna waggulu wano, era mmwenna ne musiibula ekibiina oba ne mubeerako kye mukola. Mu kitegeera, temukitegeera? Nkimanyi nti mulina omutima ogw'Ekristaayo era mmanyi nti tuteekeddwa...nga bwe tumanyi engeri gye tulimu; Ffenna wamu tuli omuntu omu, mu Kristo Yesu.

Kaakati leka tujjukire ekitundu kino ekiddako nga bwe tukiyimba, nga muganda waffe Martin wano bw'atusiibula mu ssaala. Era njagala... Ono ye w'Oluganda Earl Martin okuva, nzikkiriza okuva mu Arkansas oba-oba Missouri. [ow'Oluganda Earl Martin n'agamba nti, "Missouri." -Omuk.] Missouri, Kituufu mu Arkansas, mu kitundu kye Missouri eyo. Balina ekkanisa wansi eyo.

Era ndabye nneetegerezza n'ono ow'oluganda omulala okuva wansi eyo, sisobola kulowooza linnya lye. Brewer. Yabadde wo amakya ga leero. Ndowoza akyali wo wano. Weewaawo, mmulaba ayimiridde wano, ow'oluganda Brewer. Nnasuubizza okuyitirayo era mpongeeyo amakanisa gaabwe, emirundi mingi. Nja kutuukayo olunaku lwonna, olw'obuyambi bwa Mukama, nga bwe nsobola.

Kaakati, nga tuyimba ekitundu kino ekiddako.

Ku Iwe Linnya lya Yesu tuvunnama,

Ne tuggwa nga tugalamidde ku bigere Bye,

Kabaka wa bakabaka mu Ggulu tujja ku mutikkira,

Olugendo Iwaffe nga luwedde.

Leka tukiyimbe kaakati.

Ku Iw'Erinnya lya Yesu tuvunnama,

Ne tuggwa nga tugalamidde ku bigere Bye,

Kabaka wa bakabaka mu Ggulu tujja kumutikkira,

Olugendo Iwaffe nga luwedde.

Erinnya ery'omuwendo (erinnya ery'omuwendo),

Nga liwoomu (nga liwoomu!)

Essuubi ly'ensi era essanyu ly'Eggulu;

Erinnya ery'omuwendo, nga liwoomu!

Essuubi ly'ensi era essanyu ly'Eggulu,

Oh, weetwalire Erinnya lya Yesu.

Ng'engabo okuva eri buli mutego; (wuliriza kaakati)

Oh, ebikemo bwe bikwetooloola, (kiki ky'oteekeddwa okukola?)

Ggwe yogera Erinnya eryo mu ssaala.

Erinnya ery'omuwendo, nga liwoomu!

Essuubi ly'ensi era essanyu ly'Eggulu;

Erinnya ery'omuwendo, nga liwoomu!

Essuubi ly'ensi era essanyu ly'Eggulu.

Leka tukoteke emitwe gyaffe.

Erinnya ery'omuwendo, nga liwoomu!

Essuubi ly'ensi era essanyu ly'Eggulu;

Erinnya ery'omuwendo (wa batizibwa mulyo; saba mulyo),

Nga liwoomu!

Essuubi ly'ensi era essanyu ly'Eggulu.

Ow'oluganda Martin. [ow'oluganda Martin n'asaba-Omuk.]



www.messagehub.info

Byabuulirwa

William Marrion Branham

"...mu nnaku z'eddoboozi..." Kub. 10:7